

摘藻堂四庫全書薈要

集部

欽定四庫全書薈要

集部

李義山文集卷一

臣

王杰詳校

詳校官助教臣常循



欽定四庫全書薈要

李義山文集目錄

卷一

表

卷二

表

卷三

狀



卷四

啟

卷五

啟

卷六

祭文

卷七

祭文

卷八

祝文

檄

箴

卷九

序

卷十

書



傳

碑銘

賦

雜著

臣等謹案李義山文集十卷

國朝徐樹穀箋徐炯註樹穀字藝初康熙乙丑
進士官至監察御史炯字章仲康熙壬戌進
士官至山東提學僉事皆刑部尚書崑山徐

乾學子也考舊唐書李商隱傳稱有表狀集
二十卷新唐書藝文志稱李商隱樊南甲集
二十卷乙集二十卷玉溪生詩三卷文賦一
卷宋史藝文志稱李商隱文集八卷四六甲
乙集四十卷別集二十卷詩集三卷今惟詩
集三卷傳文集皆佚

國初吳江朱鶴齡始裒輯諸書編為五卷而闕
其狀之一逮康熙庚午炯典試閩中得其本

於林佶為采撫文苑英華所載諸狀補之又
於全蜀藝文志中得重陽亭銘一篇亦續入
之是為今本鶴齡原本雖畧為詮釋而多所
疎漏蓋猶未竟之藁樹穀因博考史籍證驗
時事以為之箋炯復徵其典故訓詁以為之
註皆詳贍有體多得作者之意如上崔華州
書之類證以新舊二史定為他人所作誤署
商隱之名尤為精核可稱善本商隱詩集中

韓碑一篇推重韓愈甚至而李涪刊誤載商
隱論孔子師佛老事乃顯與原道相牴牾此
本不收殆以非完篇耶抑惡其悖理而削之
也然元結文編後序之末高談黃老之說謂
可不必師孔子尤舛謬之顯然者炯等置而
不論是亦未免少疎矣乾隆四十二年十一
月恭校上

總纂官臣紀昀臣陸錫熊臣孫士毅

總校官 臣陸費墀

李義山文集凡例

唐書藝文志有李商隱樊南甲集二十卷乙集二十卷
蓋即舊唐書本傳所稱商隱有表狀集四十卷者也義
山章奏之學受諸彭陽公皆駢儷之文故義山自序其
甲乙二集名之曰樊南四六章奏即表狀而啟亦下達
上之制此皆義山佐幕時所作是之謂四六他文不在
此例按新書藝文志於樊南二集外更有文賦一卷而
宋史藝文志又有李商隱文集八卷別集二十卷蓋他

文皆出於此今掇諸書所載者以流別為次曰祭文祝文歲序檄書傳碑銘雜著凡若干篇附於其後其間亦有駢儷非樊南四六類也薈蕞成編不可以一集名故但稱李義山文集

義山諸集於今見存者惟玉溪生詩三卷餘皆不傳其篇目無可考据樊南自序甲集有四百三十三件乙集亦取四百篇計共八百有奇今裒得表狀啟才九十一首則其所散逸者多矣他文亦然即樊南集序中所稱

才論聖論及牛太尉奠文皆當時得意之筆今亦不可得見則其餘可知清芬鴻藻彫零磨滅為之三歎

吳江朱處士長孺刻所著愚菴集內有新編李義山文集序云檢閱文苑英華唐文粹御覽玉海諸部蒐緝義山文凡得若干首釐為五卷又以新舊唐書考證時事略為詮釋而因題其首愚菴之言如此余聞之亟向松陵索其注稿友人攜以來示則其所謂考證時事略為詮釋者亦未詳備而典故所出則概乎未之及也伯兄

侍御因為箋以補其時事之所遺而余則博稽典故以
為之註元元本本索隱鉤深始知義山之文無一字無
來歷也

愚菴序題云新編李義山文集則未經箋注可知其蒐
緝頗勤獨闕狀之一體而閩本李集有之林孝廉吉人
舉贈攜歸已而核之則諸狀皆英華所有也長孺偶遺
之耳又釵州重陽亭銘乃長洲顧孝廉俠君於全蜀藝
文志檢得錄以示余今并為補入餘皆仍長孺之舊字

句則閩本缺訛差少頗藉以校正云

所釋故事必詳其書名惡無徵也一事而數書並見則取其最先者彼此小異或兼載之其有大相刺謬者則棄短從長務歸於一

自宋靖康之變內府典籍一空唐人所讀之書今有不可得見者矣故義山所用之事間有難於證據者謹遵夫子闕疑之訓不敢以影響之言輒為傳會

欽定四庫全書薈要卷一萬四千五十九

集部

李義山文集卷一

監察御史徐樹穀箋

山東提學僉事徐烱註

表上

為汝南公華州賀赦表

箋舊書周墀傳墀字德升汝南人長慶二年擢進士

第開成四年拜中書舍人內職如故武宗即位出為華州刺史鎮國軍潼關防禦等使武宗紀會昌元年正月壬寅朔庚戌有事於郊廟禮畢御丹鳳樓大赦改元新書地理志華州領縣三

鄭華陰下邳百官志下之達上其制有六一
曰表二曰狀三曰牋四曰啟五曰辭六曰牒

臣某言伏奉正月九日制書

是月壬寅朔越九日為庚戌

南郊禮畢

改元為某大赦天下者

王應麟玉海秦并諸侯曰大赦天下由漢以來或即位建儲改

元立后皆有太赦遂為常制

奉郊禋以定天位

周禮大宗伯以禋祀昊天上帝周語精

意以享曰禋漢郊祀志兆於南郊所以定天位也

新歷象以授人時

書歷象日月星辰敬

授人

乾健離明震動兌悅

見易彖傳

跂行喙息

漢匈奴傳跂行喙息煩動

之類師古曰跂行凡有足而行者蒙息凡以口出氣者

罔不慶幸臣某

中賀

臣聞

欽

一作禋

昊天而旅上帝者

書欽若昊天周禮掌次大旅上帝注祭天於圜丘

聖

人集作王

之重事覃殊休而發大號者

易漢汗其大號

哲后之弘

猷故必致四圭以達誠

周禮典瑞四圭有邸以祀天注夏正郊天也

制六器

而申敬

周禮大宗伯以玉作六器以禮天地四方

將崇嚴配

孝經嚴父莫大子配天

必

在元旬

元旬即元日禮記孟春之月天子乃以元日祈穀于上帝注謂以上辛郊祭天也晉郊祀歌歷

元旬集

先之以蒼璧騂牲

周禮大宗伯以蒼璧禮天禮記郊特牲曰牲用騂尚赤也

用犢貴誠也

重之以雲門大呂

周禮大司樂乃奏黃鍾歌大呂舞雲門以祀天神

然

後王猶有闕於薦敬

禮記祭義曰其薦之也敬以欲

爽彼告虔

魏志高堂隆疏

曰所以昭事上帝告虔報施也

周官三代之文

書序武王既代殷命滅淮夷還歸豐作周官

絕而不續漢氏萬靈之位

漢郊祀志黃帝接萬靈明庭明庭者甘泉也

失而

莫尋豈若皇帝陛下以大道遂羣生

曹植詩苞育比羣生禮記大道之行

也以至公臨寶祚

陰符經天之至私用之至公北齊元會大饗歌寶祚眇無疆

上苞

玄象

周禮考工記天謂之玄易在天成象南史周弘正博物知玄象善占候

下總皇祇

顏延

之序皇祇發生之始

黜幽陟明

書三考黜陟幽明

興廢繼絕

見中

靈芝甘

露鄙之而不告史官

漢書武帝紀元封二年甘泉宮內中產芝九莖連葉作芝房之歌宣

帝紀元康元年甘露降未央宮神爵二年鳳皇甘露降集京師

赤鴈白麟陋之而不編

瑞牒

漢武帝紀太始三年二月行幸東海獲赤鴈作朱鴈之歌元符元年冬十月行幸雍祀五畤獲白麟

作白麟之歌班固兩都賦序武宣之世衆庶說豫福應尤盛白麟赤鴈芝房寶鼎之歌薦於郊廟神爵五鳳甘

露黃龍之瑞以為年紀後漢光武紀羣臣奏言天下清寧靈物仍降宜令太史撰集以傳來世帝不納常自謙

無德每郡國所上輒抑而不當故史官罕得紀焉然後因孟月一作春非周庚信祀五帝歌孟

之月陽卜上辛禮記郊之用辛也周之始郊日以至春秋穀梁傳以十二月下辛卜正月上辛

祭漢禮樂志正月上辛率於國南禮記兆於南郊就陽位也杜氏通典周制祈穀

壇名泰壇在國南五十里式是歲首後漢范升傳奏記曰方春歲首而動發遠征且天以

陛下為子故必饗明誠人以陛下為天故必流睿澤踰

千越萬漢郊祀志黃帝萬諸侯而神靈之封君七千邁五登三漢司馬相如傳上咸五下

登何則取

集作致

直言之科

漢武帝紀建元元年詔舉賢良方正直言極諫之士則

聽輿論者不足冀

左傳聽輿人之誦楚語輿人誦注與衆也

設宥過之令

書

過無大刑故無小

則除鄉議者未可儔

左傳鄭人游於鄉校以議執政然明謂子產毀

鄉校如何子產曰何為夫人朝夕退而游焉以議執政之善否其所惡者吾則改之是吾師也若之何毀之

延賞推恩

書賞延於世漢諸侯王來武帝施主父之策下推恩之令

用以勸禦災捍

患之士

禮記能禦大災則祀之能捍大患則祀之

減租退責

漢惠帝紀帝即位減田租復十

五稅一退責即已將以矜火耕水耨之人

漢武帝紀詔曰江南之地

火耕水耨應劭曰燒草下水種稻草與稻並生高七八寸因悉芟去復下水灌之草死獨稻長所謂火耕水耨

養庶老頒淖糜暖帛之資

禮記月令仲秋養衰老授几杖行糜粥飲食王制有虞氏

養國老於上庠養庶老於下庠又七十非帛不暖漢文帝紀更稟當受鬻者師古曰鬻淖糜也走羣望

潔剝牲瘞幣之禮

左傳韓宣子曰並走羣望注晉所望祀山川皆走往祈禱書望于山川周

禮大宗伯以血祭祭五嶽以貍沈祭山林川澤又按人將事四海山川飾黃駒案貍即瘞幣黃駒則其所沈之

牲也肆師職云次祀用牲幣小祀用牲鄭康成以嶽瀆為次祀山川為小祀

古不覲者復覲

古不聞者復聞萬蟄蘇而六幽盡開

禮記樂記曰蟄蟲昭蘇班固典引光

被六幽注天地四方也

五刃藏而九土咸闢

齊語定三革隱五刃注定奠也隱藏也三

革甲冑盾也五刃刀劍矛戟矢也魯語共工氏子曰后土能平九土注九州之土也

臣當時集軍

州官吏等丁寧告示訖

漢谷永傳以丁寧陛下師古曰丁寧謂再三告示也

況臣

嘗備論思獲叨侍從

兩都賦序武宣之世言語侍從之臣若司馬相如虞丘壽王東方朔

枚臯王褒劉向之屬

當時仙禁慙視草以無能

漢淮南王傳武

朝夕論思日月獻納

帝每為報書及賜常召司馬相如等視草乃遣案本傳

堦能為古文有史才文宗重之歷集賢學士起居舍人

知制誥充翰林學士拜中書

此日泰壇望給薪而靡及

舍人皆內職也故有此語

禮記祭法燔柴於泰壇祭天也瘞埋於泰折祭地也月

令季冬之月乃命四監收秩薪柴以共郊廟及百祀之

薪燎周禮委人以式灋

徘徊甸服跼蹐關城

史記呂產入未央宮

共祭祀之薪蒸木材

殿門弗得入徘徊往來書五百里甸服詩謂天蓋高不

敢不局謂地蓋厚不敢不踣陸機表跼天跽地若無所

容案旬服關城皆謂華州關潼關也今華州華陰縣東一里為潼關衛衛東南四里有潼關故城古桃林之塞

即此所謂

雖有慶於文明

易見龍在田天下文明

竟無階於奔走

書邦甸侯衛駿奔走執豆籩

司馬談闕陪盛禮沒齒難忘

史記自序是歲天子

始建漢家之封而太史公留滯周南不得與從事故發憤且卒案此太史公者遷稱其父談也與贊首太史公

不蕭望之願立本朝馳魂莫及

漢蕭望之傳望之為平原太守雅意在本朝遠

為郡守內不自得

無任抃舞結戀之至

潘岳藉田賦觀者莫不抃舞乎康衢

為京兆公陝州賀南郊赦表

箋篇首云伏奉正月九日制書郊裡禮畢

改元大赦是即會昌元年正月庚戌之事也前為華州刺史作此為陝州刺史作耳京兆公不

知何人據本集有為河東公謝相國京兆公啟
又有為柳珪謝京兆公啟又有獻相國京兆公
啟所謂京兆公者杜悰也悰杜佑之孫唐書附
見佑傳舊史云太和六年由司農卿轉京兆尹
新史云太和中初由澧州刺史召為京兆尹並不
言為陝州刺史中間歷藩鎮開成初入為工部
尚書三年改戶部兼判度支會昌初為淮南節
度使踰年入相此上賀表者當亦是杜悰而史
無出守陝州之事人或疑之余案自後魏太和
中定四海望族譜牒始以郡表姓故唐人有某
公某公之稱皆以郡望冠之所謂言劉必出彭
城言李必出隴西者也義山集中稱汝南公者
六皆周墀稱安平公者七皆崔戎稱滎陽公者
十一皆鄭亞稱河東公者四皆柳仲郢稱濮陽
公者八皆王茂元今稱京兆公者四其三的为
杜悰而此京兆公獨為他人名稱無別恐不應

蒙混至此竊意開成之末文宗晏駕其舊臣多
被斥逐如宰相楊嗣復出為潭州刺史李珣為
桂州刺史御史中丞裴夷直為杭州刺史而周
墀亦以中書舍人出守華州諸臣紛紛去國惴
於此時亦或由戶部尚書出為陝州史傳於戶
部之後淮南之前偶失此一遷耳或謂惴嘗尹
京兆而以其官稱之非也舊書地理志陝州屬
河南道廣德元年車駕幸陝州以為大都督府
領縣七陝峽石靈寶
芮城平陸安邑夏

臣某言臣伏奉正月九日制書郊裡禮畢改元為某大

赦天下者既事虞郊

書舜典肆類于上帝禮記祭法有虞氏禘黃帝而郊嚳

復新

堯歷

書堯典歷象日月星辰

天潢瀉潤

史記天官書西宮咸池曰天五潢張衡思立賦垂天

漢之汎汎兮浮雲漢之湯湯

日觀揚暉

應劭漢官儀泰山東南巖名日觀日觀者雞一鳴時見日

始欲出長三丈所

普天率土

見詩

罔不慶幸臣某

中賀

臣聞君人

之孝莫大於尊祖

詩序生民尊祖也后稷生於姜嫄文武之功起於后稷故推以配天焉

王者之敬孰踰於事天故必用因高之儀

禮記禮器曰為高必因丘

陵注謂冬至祭天於圜丘之上也隋牛弘郊祀歌辭因高盡敬埽地推誠

申嚴配之禮

見上表

百神

集有攸字

序萬靈昭

集有蘇字

乃可覃殊恩渙大號禮成而

德備惠敷而慶弘然而秦尚武功

戰國策魯仲連曰彼秦者棄禮義而尚首

功也先祈禳之事

漢郊祀志秦并天下令祀官各以歲時奉祠唯雍四時上帝為尊春以為

歲祠禱因泮凍秋涸凍冬賽祠案雍四時謂廊
時吳陽武時好時密時皆在雍所以郊上帝也
故柴燎

蕭鄉未必饗

禮記祭義燔燎羶蕭見以蕭光以報氣也郊特牲既奠然後燔蕭合羶鄉詳見前

漢稱文物

左傳文物以紀之聲明以發之

重神仙之道

漢書武帝紀元鼎五年立泰畤

于甘泉天子親郊見禮樂志武帝定郊祀之禮祠太一
於甘泉就乾位也乃立樂府以正月上辛用事甘泉園
丘畤祠至明堂甘泉泰一祠壇武帝用
方士公孫卿立之故曰重神仙之道
故雲門太簇未

必和

周禮大司樂國鍾為宮黃鍾為角太簇為徵姑洗為羽雲門之舞冬日至於地上之園丘奏之

不講於禮官

漢武帝紀元朔五年詔令禮官勸學講議洽聞舉遺興禮揚雄劇秦美新禮官博士

卷其舌
而不談
終致譏於儒者

漢郊祀志元帝好儒貢禹韋玄成匡衡等相繼為公卿成帝初

即位衡奏言甘泉泰畤河東后土之祠宜徙置長安下
羣臣議博士師丹等五十人以為甘泉河東之祠非神
靈所饗宜徙就正陽大陰之處伏惟皇帝陛下與春生
違俗復古循聖制定天位從之

育

班固答賓戲其君天下也養之如春

並日照臨

書惟我文考若日月之照臨

究三代

之質文酌百王之損益定午位

庾信周祀員丘歌丙午封壇肅且國

卜上

辛潔齊之誠

易齊也者言萬物之潔齊也

先掃除而遐達

禮記至敬不壇掃地

而孝思之志

詩永言孝思

協氣臭以升聞

禮記至敬不饗味而貴氣臭也書玄

德升

然後推作解之恩

易雷雨作解君子以赦過宥罪

降惟新之令

舊書

染汙俗咸與惟新

設科以招諫諍

新書選舉志制舉有賢良方正直言極諫科

宥過

以務哀矜

書皇帝哀矜庶戮之不辜

已責既恤於三農

左傳晉悼公即位施舍已

責注施恩惠舍勞後止通責周禮三農生九穀

錄勲無遺於十代

左傳范宣子因叔向祁奚

曰社稷之固也猶將十世宥之以勸能者

頒粟帛而養耆老

漢文帝紀有司請八十已上月

賜米肉酒九十已上加帛絮長吏閱視丞若尉致

走牲幣而徧山川

見為汝舉南公表

皇王之廢官盡古今之能事臣當時集軍州官吏丁寧

告示訖況臣嘗奉恩光

江淹雜體詩宵人重恩光

叨居華顯當太史

撰日之際

周禮大史職曰大祭祀與執事卜日曹大家東征賦時益春之吉日兮撰良辰而將行善

曰鄭玄禮記注云撰猶擇也

猶立漢庭

漢陸賈傳賈以此海漢庭公卿間

及宗伯相

儀之時

周禮大宗伯凡祀大神身大鬼祭大示詔相王之典禮

已辭魏闕

周禮縣治象之

灋于象魏注闕也莊子魏牟身在江海之上心居魏闕之下

怛悵郡印

漢朱買臣傳視其印會稽

太守徘徊使車

漢蕭育傳以三公使車載育入殿中受策

徒深傾藿之誠

曹植

表若葵藿之傾葉太陽雖不為之迴光終向之者誠也

實積懸瓠之歎

詩匏有苦葉傳匏謂

之瓠瓠葉苦不可食也疏陸璣云匏葉少時可為羹又可淹煮極美八月中堅強不可食故云苦葉瓠匏一也故云謂之瓠王粲登樓賦懼匏瓜之徒懸兮畏井漂之不食翰曰匏瓜為物繫而不食者也仲宣自喻

公邑內敢思棠樹以追蹤

詩序甘棠美召公也箋召公聽男女之訟不重煩勞百姓

止舍小棠之下而聽斷焉國人思其人敬其樹春秋公羊傳自陝而東周公主之自陝而西召公主之注今弘

農陝縣

尹喜宅中惟望靈符之復出

舊書天寶元年陳王府參軍田同秀上言

玄元皇帝降見於丹鳳門之通衢告賜靈符在尹喜之故宅上遣使就函谷故關尹臺西發得之地理志靈寶本桃林縣以掘得寶符改名臣不勝慶幸踴躍之至

為汝南公以妖星見賀德音表

箋舊書武宗紀會昌元年十一月丁

酉朔壬寅夜大星東北流其光燭地有聲如雷山崩石隕其彗起於室凡五十六日而滅新書武宗紀會昌元年十一月壬寅有彗星出於營室辛亥避正殿減膳理因罷興作天文志十一月壬寅有彗星于北落師門在營室入紫宮徐堅初學記妖星曰孛星彗星玉海大赦者不以罪大小皆原其或某處有災或車駕行幸則曰赦某郡已下謂之曲赦復有遞減其罪謂之德

音者比曲赦則恩及天下比大赦則罪不盡除
案漢天文志天鼓有音如雷非雷音在地而下
及地其所住者兵發其下天狗狀如大流星有
聲其下止地類狗所墜及望之如火炎炎中
天千里破軍殺將舊書所謂大星東北流
其光燭地有聲如雷者蓋即天狗之類

臣某言臣伏奉某月日德音以妖星謫見思答天戒者

臣當時集軍州官吏丁寧宣示訖仁深覆載恩極照臨

究祖宗之令圖

左傳女叔齊曰令圖天所贊也

極皇王之盛事

詩皇王維辟

圓首方足

大戴禮記曾子曰天之所生上首地之所生下首上首之謂圓下首之謂方注人首負足

方莊子圓顧方趾

罔不欣慶臣某

中賀

臣聞覆載莫大於天地

而升降之氣或不接

禮記天氣上升地氣下降

照臨莫大於日月而

薄蝕之度或有差

漢天文志陰陽之猶其本在地而工發於天者

李飛流日月薄蝕此皆

也豈惟休咎之徵

書洪範曰休咎徵

自是陰陽之事

春秋僖公十六

年隕石于宋五六鷄退飛過宋都左傳周內史叔興曰是陰陽之事非吉凶所生也

旋觀孳孳載

考策書雖欲為災曷嘗勝德

史記殷本紀伊陟曰臣聞妖不勝德帝之政其有闕

與帝其修德太戊從之而祥桑枯死

伏惟皇帝陛下荆枝載茂

吳均續齊諧記田廣

田真田慶兄弟三人欲分財其夜庭前三荆便枯兄弟歎之却合樹還榮茂

棣萼重輝

詩常棣之

華鄂不韡韡承華者曰鄂不當作柎柎鄂足也鄂足得華之光明則韡韡然喻弟以敬事兄兄以榮覆弟古

聲不附同附方子反案
武宗為文宗弟故云

既居正以體元

班固東都賦體元立制繼天而

作春秋隱公元年春王正月注凡人君即位欲其體元以居正故不言一年一月也

亦觀文而察

變

易觀乎天文以察時變

仰觀星彩稍越天常

左傳帥彼天常

於是深軫

皇情重迴宸眷

沈約碑皇情眷眷慮深求瘼

省躬之懼洞感於幽明

及物之恩畢霑於華夏戒田游則成

集作殷

湯祝網之意

史記殷本紀湯出見野張網四面曰嘻盡之矣乃去其三面祝曰欲左左欲右右不用命乃入吾網諸侯聞之

曰湯德至矣及禽獸

釋冤滯乃大禹泣辜之慈

劉向說苑禹出見罪人泣而問之

罷去修營惜漢氏十家之產

漢文帝紀嘗欲作露臺召匠計之直百金上曰百金

中人十家之產也吾奉先帝
宮室常恐羞之何以臺為

勸課耘耔

一作耕耘

復周邦九

歲之儲

禮記國無九年之蓄曰不足

德已厚矣仁已極矣然猶避寢

自責撤膳貽憂

箋案舊書天文志開成二年三月文宗召司天監朱子容問星變之由子容曰

彗主兵旱或破四夷古之占書也然天道玄遠惟陛下
修政以抗之乃敕尚食今後每日御食料分為十日戊
辰詔天下放繫囚撤樂減膳
避正殿武宗蓋循其故事以此延休何休不至以茲

備患何患能為足以高步三王

晉文苑傳論曰匪惟高步當年故以騰華中古

平窺百古鞭撻守成之主

魏武帝紀陳壽評曰太祖運籌演謀鞭撻宇內秭糠

中代之君

莊子是其塵垢秕糠將猶陶鑄堯舜者也

抑臣又聞之昔貞觀之

理也太宗文皇帝吞蝗而災沴息

通鑑太宗撰蝗吞之曰但當食朕無害百

姓蝗果不為害

泰岱之封也玄宗明皇帝露坐而風雨消

舊書禮儀

志玄宗開元十三年十一月幸泰山封禪登山日氣和煦至齋次日入後勁風偃人寒氣切骨玄宗因不入次

前露立至夜半仰天稱某身有過請即降罰若萬人無福亦請某為當罪兵馬辛苦乞停風寒應時風止山氣

溫炯戒猶存

班固幽通賦又申之以炯戒

神靈未遠

漢車千秋傳帝謂曰此高廟神

靈使公教我

陛下永懷貽厥

詩貽厥孫謀

有切欽承

書惟說式克欽承

為

其所不為至其所不至佇見地泉流醴

尚書中候帝堯即位七十載醴

泉出山東觀漢記中元二年醴泉出於京師飲者痼疾皆愈

天酒凝甘

東方朔神異經西北海外

有長人日飲天酒五斗張華注云天酒甘露也孫萊之
瑞應圖甘露者美露也其凝如脂其甘如飴一名膏露
一名天酒盧思道賀甘露表神漿可挹流
珠九戶之前天酒自零凝照三階之下
人知朱草之

祥

大戴禮記朱草日生一葉至十五日生十五葉十六
日一葉落終而復始漢書制曰上古至治嘉木興朱

草生張衡東京賦豐朱草於中唐注抱朴子云朱草長
三尺枝葉皆赤莖似珊瑚帝王世紀堯時朱草生於郊

家識白麟之瑞

赦見賀表

又豈芒角足懼

天官占太白者西
方金之精角搖則

兵起史記正義角芒角也隋五行志國皇星出
而大其色黃白望之有芒角見則兵起國多變

晷度可

憂者哉

晉書桓溫傳晷度自中霜露惟均江通傳疏曰
陛下今以晷度之失同之六沴案晷謂日景度

謂周天之度

臣素乏器能

漢東方朔傳武帝既
招英俊程其器能

謬當任使

見中

庸東雍西岳

雍疑是華岳當作嶽案華州畿內墀方守華故曰首化百城古雍縣在州西不得言

東雍華岳在州東不得言西岳若云東華西岳則太華

在州東岳山在州西於義頗協周禮豫州鎮曰華山雍

州鎮曰嶽山鄭注云華山在華陰嶽吳嶽也漢郊祀志

自華山以西名山七有華山岳山舊書禮儀志肅宗至

德二年春在鳳翔改汧陽縣吳山為西岳杜甫詩憶昨

踰隴坂高秋視吳嶽東笑蓮花卑北知崆峒薄蓋吳山

三峰霞舉疊秀雲天唐時特崇其號與太華同秋二岳

東西並峙故表舉以為言務諧聲病故不言西吳而言

西岳後人以華為太華嫌與下文之岳重複遂

改東華為東雍曾不知東西易位之為舛也

雖首化

於百城

庾信碑百城解印

日遠天高

日遠注見下表禮記天高地下萬物散殊

但心

存於雙闕

古詩雙闕百餘尺

聽金石而慙殊舞獸

書夔曰於予擊石拊石百

獸率

無羽翼而恨異冥鴻

揚子法言鴻飛冥冥弋者何篡焉

惟當虔奉

詔條頒宣德澤

漢百官公卿表武帝元封五年初置部刺史掌奉詔條察州師古曰漢官典職

儀云刺史班宣周行郡國省察治狀黜陟能否斷治冤獄以六條問事非條所問即不省

成陛下無

偏之道

書無偏無黨王道蕩蕩無黨無偏王道平平

畢微臣盡瘁之勤

諸葛亮表

臣鞠躬盡瘁死而後已

所冀不寘簡書

詩豈不懷歸畏此簡書傳簡書戒命也疏古者無紙

有事書之於簡謂之簡書

免拘司敗

左傳箴尹遂歸復命而自拘於司敗

如其禮樂非

臣所能無任感恩戀闕懇悃屏營之至

吳語申胥曰昔楚靈王親獨行

屏營傍徨於山林之中注屏步丁切

為汝南公賀彗星不見

一有復正殿三字

表

箋會昌元年十一月丁酉

朔越六日壬寅彗見舊書云凡五十六日而滅其日當為丁酉二年正月書丙申朔則彗滅於二日之夜而新書天文志云十一月壬寅有彗十二月辛卯不見計止有五十日當為是月之二十五如前月小盡則二十六日也校舊書先六日未知孰是觀表末時及初正禮當元會等語意新書為得其實不然彗滅於明年之二日則正殿未復元會之禮不行亦何用揚厲其辭耶

臣某言得本州進奏院狀報今月某日夜彗星不見宰

臣某等奉表稱賀請御正殿復常膳者天道甚密

南史劉劭

傳勳曰天
道密微

聖心不遐

詩毋金玉爾音而有遐心

感極而災亦為祥誠

至而妖寧勝德臣某

中賀

臣聞殷湯以六事責躬止七

年之旱

劉恕外紀湯之時大旱七年禱於桑林之野以六事自責曰政不節與民失職與宮室崇與女

謁盛與苞苴行與讒夫昌與言未已而大雨案荀子呂覽說苑所言六事與此互異

宋景以一言

修德退三舍之星

呂氏春秋宋景公有疾熒惑守心朝臣謂公曰可移於相公曰相股肱不

可也曰可移于人公曰國無人何以為君可移于歲公曰歲不登何以畜人是時熒惑乃退三舍劉峻辨命論

宋公一言法星三徙

歷代以來咎徵常有苟君能克己則禍不移

人左傳有雲如衆赤鳥夾日以飛三日楚子使請諸周太史周太史曰其當王身乎若崇之可移於令尹司

馬王曰除腹心之疾而實諸股肱何益遂弗禁伏惟皇帝陛下寅奉丕圖恭臨

大寶

易聖人之大寶曰位

遵符列聖酌憲前王昨者天象之間星

文稍

一作稱誤

異載深歸咎爰用覃恩倉箱畢復於九年詩乃

求千斯倉乃求萬斯箱

羅網並開其三面

注見前

去營繕絕蕩心之

巧

禮記毋或作為淫巧以蕩上心

申冤結除滅耳之俘

漢王莽傳不暇省獄訟冤結易

何校滅耳凶

而又正殿不居大庖盡滅

詩大庖不盈

精誠昭達

班彪

王命論精誠通于神明

懇惻敷聞

後漢蔡邕傳上封事曰前後制書推心懇惻

芒砀遽

銷畧度如舊況蕞爾戎羯

沈約碑文加戎羯窺窬

正犯疆場

案左傳疆

場之事從易音亦後人訛為疆場從易音長則義取戰
場之場矣易古陽字○箋舊書會昌元年八月回鶻烏

介可汗寇
天德軍

載思星見之徵恐是滅亡之兆

漢天文志妖星不出三年

其下有軍及失地若國君喪太平御覽劉向洪範傳曰
彗者去穢布新者也此天所以罰無道而建有德也鄭

玄曰彗星
主掃除

伏惟稍寬聖慮以擁皇休遵九廟之降祥

新書

文宗紀太和元年賜九廟陪位者子孫二階書作善降
之百祥○箋王制天子七廟三昭三穆與太祖之廟而

七鄭康成注云此周制七者太祖及文王武王二祧與
親廟四也漢書韋玄成奏議曰周所以七廟者以后稷

始封文王武王受命而王是以三廟不毀與親廟四而
七鄭說本此然則文武二祧固在七廟之數也劉歆乃

以為天子三昭三穆與太祖而七宗不在數中是即九
廟之說所肇端矣其後王莽篡漢歆為佐命果造起九

廟四昭四穆與黃帝太初祖廟而為九誕妄不經莫斯
為甚其義實自歆發之光武中興悉復舊制由東漢以
迄於隋卒無有立九廟者開元十年始詔宣帝復祔於
正室謚獻祖并謚光皇帝為懿祖又以中宗還祔太廟
於是太廟為九室寶應二年祔獻懿祔玄宗肅宗自
是之後常為九室矣九廟之稱開元以前無之也 副

兆人之欽屬臣又聞皇王之事天也雖至理之時不遺

於憂畏

真語憂生則有畏

雖至和之氣不忘於將迎

莊子無有所將無有

所迎是故神農焦勞軒帝顓頊堯既穰瘠舜

集作禹

亦胼胝

列子黃帝即位十有五年焦然肌色肝黢淮南子神農憔悴堯瘦臞舜黧黑禹胼胝

此四主側身

於昔時

說苑武丁恐駭側身修行

陛下用心於今日千載符契

陸倕新漏

刻銘分
似符契

萬方懷柔

詩懷柔
百神

臣嘗忝內朝

鄭氏周禮注內
朝朝之在路門

者或謂之燕朝三禮義宗周禮天子諸侯皆有三朝一曰外朝二曰中朝三曰內朝其中朝之名或內或外若據外朝而言謂之內朝故鄭注文王世子諸侯外朝一內朝二是也三朝之最外為外朝者是決罪聽訟之朝也中朝者人君旦夕視政見卿大夫之朝也內朝者今路寢也人君視政退而居於此待諸侯之復逆也

居近甸

仕勝為蕭侍中
表藩維近甸

拱辰不及空瞻北極之尊

見論語

就日無因

大戴禮孔子曰故勛其仁如天
其智如神就之如日望之如雲

忽覺長安之

遠

初學記劉劭幼童傳云晉明帝諱紹元帝太子也帝
問長安何如日遠答曰不聞人從日邊來只聞人從

長安來明日集羣臣宴會復以此問又以為日近元帝
動容問何故異昨日之言答曰舉頭見日不見長安

惟知拊蹈莫可奮飛

詩心之憂矣不能奮飛

況時及初正禮當元

會

玉燭寶典正月為端月其一日為元日曹植元會詩初歲元祚吉日惟良乃為嘉會宴此高堂

華夷

畢至玉帛皆陳

左傳禹合諸侯於塗山執玉帛者萬國

小國行人外藩下

士

英華作土

皆得入趨鳳闕

漢書建章宮其東則鳳闕高二十餘丈西都賦設壁門之鳳闕

上觚稜而棲金爵注三輔故事曰建章宮闕上有銅鳳皇金爵即銅鳳也

仰望獸樽

晉禮志江左元

會設白獸樽於殿庭樽蓋上施白獸有能獻直言者則發此罇飲酒樽乃杜舉之遺式白獸蓋後代所為宋禮

志白虎樽欲令言者猛如虎無所忌憚也案唐諱虎故以虎為獸白虎即騶虞也詩傳云騶虞義獸也白虎黑

文不食生物有至信之德則應之司馬相如封禪頌般般之獸樂我君囿白質黑章其儀可喜師古曰謂騶虞

也樽上所飾即此故唐李君房白獸樽賦
云樽則雲飛而山峙獸乃白質而黑章也
臣獨限關河

史記蘇秦說秦惠王曰
被山帶渭東有關河

坐縈符竹

漢文帝紀初與郡守
為銅虎符竹使符案

後漢杜詩疏曰舊制發兵皆以虎竹而晉書陸機傳
云入侍帷幄出剖符竹易虎為符唐修史避廟諱也縈

既深而詞懇慶已極而涕零無任感恩賀聖鬱戀屏營
之至

為滎陽公賀老人星見表

原注宣宗○箋為書宣
宗紀大中元年二月以

給事中鄭亞為桂州刺史御史中丞桂管防禦
觀察等使文苑傳鄭亞廉察桂州請商隱為觀
察判官檢校水部員外郎百官志凡景星慶雲
為大瑞其名物六十有四大瑞則百官詣闕奉

賀餘瑞歲終員外
郎以聞有司告廟

臣某言臣得本道進奏院狀報司天監李景亮奏八月

六日寅時老人星見於南極其色黃明潤大者

史記天官書直

狼北地有大星曰南極老人星老人見治安不見兵起常以秋分時候之南郊晉天文志老人星見則治平主壽昌唐會要開元間敕有司置壽星壇以千秋節日修祠祭老人星著之常式玉海開元七年八月老人星見色黃又二十四年八月庚戌老人星見太史奏孫氏瑞應圖云王者承天則老人星見臨其國黃帝占云老人星一名壽星色黃明大則主壽昌天下多賢士陛下以千秋節日祀于星壇而祭期將臨美應先至請付史官

聖惟合德神實效祥必垂有爛之文

詩明星有爛

以表無疆

之祚

書無疆惟休

臣某

中賀

臣聞玄象示人

見前表

昊穹凝命

易君子以正位凝命

曜為經而宿為緯

英華作紀此傳寫之誤當作宿為經而曜為緯

傳列星為恒星亦曰經星禮記宿離不貸無失經紀注二十八宿為經七曜為紀案紀即緯西京賦五緯相汁

以旅于東井薛綜注云五緯五星也

則有常名斗挹酒而牛服箱

詩維北有斗不

可以挹酒漿又睨彼牽牛不以服箱

或標虛號未若候時而出有道則彰

居五福之先

書五福一曰壽二曰富三曰康寧四曰攸好德五曰考終命

在三辰之

列

左傳三辰旂旗注三辰日月星也

伏惟皇帝陛下昭明老契游泳莊

寰

晉阮籍等傳論曰馳騁莊門排登李室二語本此

式是中秋呈茲上瑞況見

於午位

晉郭璞傳歲涉午位金家所忌

又屬寅時仰考玄符

北史崔宏傳斯乃利

見之玄符

乃有深意自南耀彩將弘解愠之風

家語舜彈五絃之琴造南

風之詩曰南風之薰兮可以解吾民之愠兮南風之時兮可以阜吾民之財兮

近曉流光欲助

無私之日

禮記天無私覆地無私載日月無私照

皇心載裕

謝靈運詩皇心美陽澤

靈鑒孔昭

晉袁宏傳贊曰靈鑒洞照

凡居率土之濱

語見

皆慶後天

之壽

莊子後天地終而不為老藝文類聚韓終采藥詩曰閭河之桂實大如棗得而食之後天而老臣

誤蒙重寄實遠清光

漢通鑑傳對策曰然後能望陛下清光

送玄鸞於梁

間

禮記仲秋之月玄鳥歸注玄鳥鸞也謂去蟄也

傷時自切望

集作數

白榆於天

上古樂府天上何所有歷歷種白榆
案初學記引此句以白榆為星

厥路無由賀聖慈

恩無任蹈舞屏營之至

為成魏州賀瑞雪慶雲日抱戴表

新書地理志魏州大都督府領

縣十四貴鄉元城魏館陶冠氏莘朝城昌樂臨河洹水咸安內黃宗城永濟。成魏州未詳

臣某言臣聞玄德上升

書玄德升聞

三靈為之動色

漢揚雄傳方將

上獵三靈之流如淳曰三靈日月星垂象之應也

聖功下濟

易天道下濟而光明

萬類所

以傾誠臣州去秋之間時雨不足自陽風應律

春秋考異郵冬

至十一月陽之氣也陽立於五極於九五九四十五日一變風

子月經年

庾信詩子月泉心動

今

月十二日晚降雪越至十四旦開霽絮飛千里

晉書謝安因雪

驟降欣然曰白雪紛紛何所似兄子胡兒曰散鹽空中差可擬兄女道韞曰未若柳絮因風起楚辭招魂曰曾

冰裁裁飛雪千里

花翻六出

韓詩外傳凡草木花皆五出雪花獨六出六出者陰極之數

糝

初梅而委色

英華作苞初梅猶早梅也梁簡文帝賦梅花特早偏能識春

封宿麥而

垂津

漢食貨志董仲舒說上曰幸詔大司農使閭中民益種宿麥注宿麥謂其苗經冬後漢明帝紀詔曰

自春已來時雨不降宿麥傷旱

其日晡時

宋玉神女賦晡夕之後注晡日落時也淮南子日至子悲

谷是謂晡時

西南有慶雲見為樓為閣

陸機浮雲賦若層臺高觀重樓疊閣圖

閭闔之九重

楚辭君之門以九重張衡西京賦表峽闕於閭闔闔注閭闔天門也

非錦非

繡

成公綏雲賦或繡文錦章依微要渺

狀衣裳之五色

書以五采彰施于五色作服

其

時又有日抱戴日晚澄廓天景淑清拖黃氣而重圍舒

紅光而四溢臣與司馬樊玄則并僚屬吏等三十餘人

得所部貴鄉冠氏等縣申稱雪厚一尺以下并覩慶雲

抱戴等瑞臣謹案詩云上天同雲雨雪雰雰毛萇云豐

年之冬必有積雪

英華多若煙二字

汜勝之書云雪者五穀之

精

漢藝文志農家汜勝之十八篇成帝時為議郎師古曰劉向別錄云使教田三輔有好田者師之徒為御

史記音凡又音敷劍反

又案史記云慶雲一名卿雲若煙非煙若

雲非雲郁郁紛紛蕭索輪囷是謂卿雲喜氣也瑞應圖
曰景雲者太平之應也一曰慶雲非氣非煙五色氤氲
謂之景雲援神契云天子孝則景雲出游又案援神契
云王者德至于天則日抱戴在上曰戴在旁曰抱又云
黃氣抱日輔臣納忠漢書曰宣重光李奇云太平之代
日抱重光伏惟陛下受天寶命冲用情深豐食之要鑒
寢憂勞雪為五穀之精麥為六田之首

太平御覽
記勝之書曰凡田六

道種麥
為首

由是天降瑞雪其意若曰太平其有年乎雲者

運氣立名布恩成義陛下仁霈州木惠及蟲魚揚祖宗

之烈光垂天地之正色由是天降雲瑞其意如

一作若

曰

天子其大孝乎日者衆陽之宗人君之表

劉向洪範傳日者羣陽之

宗也後漢天文志日者太陽之精人君之象

由是天降日瑞其意若曰天下

其大明乎魏州大名

一作明非

之慶基

左傳賜畢萬魏卜偃曰畢萬之後必大萬

盈數也魏大名也以是始賞天啟之矣

光

當作先

封之舊國

鄭玄詩譜魏國周以封同姓其

地虞舜夏禹所都之域疏案魏世家及左氏傳云姬姓國也

嘉祥備致靈貺綢繆

見

榮陽公表

豈徒然哉斯有由矣臣叨陪漢守肅奉堯親逢日

月之貞明

易日月之道貞明者也

嘉煙雲之爛縵

尚書大傳舜時卿雲見于時百

工和歌舜歌曰卿雲爛兮

紀縵縵兮手舞足蹈地雖限于外臺按牒披圖

漢禮樂志宮童效異披圖按謀

心已馳于雙闕不任感悅之至

為柳州鄭郎中謝上表

舊書地理志柳州隋始安郡之馬平縣武德四年平

蕭銑置南昆州貞觀八年改為柳州以州界柳嶺為名屬嶺南道領縣五馬平龍城象洛曹洛容案柳州今屬廣西布政司仍治馬平縣凡除官到任謂之上上日修表謝恩謂之謝上韓文潮州刺史謝上表是也上時掌切

臣某言臣伏奉某月日制書授臣某官者即以今日

到任上訖臣某

中謝

臣緒承舊族師事通儒

漢貢禹傳通儒或非

之萬里成功雖無壯志

後漢班超傳超投筆而歎左右皆笑之超曰小子安知壯士志

哉行詣相者曰祭酒布衣諸生耳而當封侯萬里之外後果立功西域封定遠侯

九夷不陋庶

慕前蹤

見論語後漢東夷傳夷有九種曰畎夷于夷方夷黃夷白夷赤夷玄夷風夷陽夷故孔子欲居

九夷

二紀蠻陬

左思魏都賦蠻陬夷落譯道而通者鳥獸之氓也

三提郡印

見前

表

唯貞苦節

易苦節不可貞

以奉休辰牙管一雙未嘗關慮

南史

范由傳在晉陵惟作牙管一雙猶以為費

竹書兼兩何敢經懷

後漢吳祐傳父恢為南海

太守欲殺青簡以寫經書祐諫曰此書若成則載之兼兩嫌疑之間誠先賢所慎也

渭水之陰

蘇欽

水經渭水出隴西首陽縣渭谷亭南鳥鼠山

敝廬斯託

左傳張超使謂太叔曰小人冀除先人之

敝廬每還初服

屈原離騷進不入以離尤兮退將復修吾初服

常慊上農今者又

即殊方

漢西域傳贊曰殊方異物四面而至

復臨雜俗

漢地理志土廣俗雜

固蒙聲

教

書聲教訖于四海

終遠文明謹當宣舉詔書撫安縣道

漢文帝紀

有司請令縣道師古曰或縣或道皆用此制有蠻夷曰道

媒官學舍

吳薛綜傳錫光為交趾任延為

九真太守為設媒官始知聘娶建立學校導之經義後漢鮑永傳起黌舍注黌學也

畢納於人倫

畜蠱帶牛

顧野王輿地志江南數郡有畜蠱者主人行之以殺人行飲食中人不覺也其家絕滅者

則飛遊妄走中之則斃漢書龔遂為勃海太守民有帶持刀劍者使賣劍買牛賣刀買犢曰何為帶牛佩犢楊

慎丹鉛錄南中畜蠱之家蠱昏夜飛出飲水光如曳筭
鮑昭苦熱行所謂吹蠱痛行暉是也案日南蠻方以五
月五日聚百種蟲大者至蛇小者至蝨合置皿在中餓
使相啖其獨存者為蠱以其矢因食入人腹人輒死

盡移於地利至於因遐弄法

漢杜延年傳霍光以廷尉少府弄法輕重皆論棄市

挾遠生情

晉庾純傳賤者生情

縱漏嚴科

晉王濬傳嚴其科條

必貽陰責山

兼象縣江帶龍城

隋地理志始安郡統縣十五有象縣龍城縣明一統志象山在象州西五

里以形似名柳江在府城南門外一名潯水源出懷遠縣流經象州歷潯藤至廣州界入海柳宗元詩柳州柳

刺史種柳柳江邊是也

撫已跼天敢忘玄造

庾信表玄造竟徵於滴助

舉頭見

日何處皇居

顏延之詩皇居體環極

憑宵夢以銜誠

徐陵移文宵夢之言無欺

幽
壤託歸飛而結懇

詩弁彼鷺斯歸飛提提
陸機詩美爾歸飛翼

無任瞻天戀

闕之至

為安平公謝除充海觀察使表

箋舊書文宗紀太
和八年三月丙子

以右丞李固言為華州刺史代崔戎以戎為充
海觀察使地理志至德之後中原用兵刺史皆
治軍戎遂有防禦團練制置之名要衝大郡皆
有節度之類寇盜稍息則易以觀察之號治充
州管充海沂密四州崔戎傳戎字可大高伯祖
玄暉神龍初有大功封博陵郡王戎舉兩經登
科授太子校書調判入等授藍田主簿為藩鎮
名公交辟入為殿中侍御史累拜吏部郎中遷
諫議大夫尋為劍南東西兩川宣慰使還拜給
事中駁奏為當時所稱改華州刺史遷充海沂

密都團練觀察等使將行州人戀惜遮道至有解鞶斷轡者理充一年太和八年五月卒新書世系表戎出博陵安平房後漢長岑長崔駟少子寔之後充海觀察使封安平縣公案玄暉博陵安平人唐制凡封爵皆以其郡縣名被之故玄暉封博陵郡王戎封安平縣公唐人所稱大率以郡望然亦有從封爵者安平公濮陽公之類是也

臣某言今月某日中使王士岌至奉宣恩旨改授臣某官并賜臣前件告身一通者寵命天臨恩光春煦兢惶無措抃蹈失容臣某

中謝

臣幸逢昭代本自諸生文以

飾身

左傳言身之文也

學實為己寧韞玉而待賈

見論語

竊運甕

以私勞

甕當作甕晉陶侃傳侃在廣州朝輒運百甕於齋外夕運百甕於齋內曰吾方致力中原過爾

優游恐不堪事

春闈

英華作園

再中於明經

新書選舉志開元二十四年考功員外郎李昂

為舉人詆訶帝以郎官權輕遂移貢舉於禮部以侍郎主之禮部進士自此始明經之別有五經三經二經學究一經三禮三傳禮記春秋左氏傳為大經詩周禮儀禮為中經易尚書春秋公穀傳為小經先帖文然後口試經問大義十條答時

天官一昇於判第

選舉志文選吏部主之凡

務策三道亦為四等

擇人之法有四一曰身二曰言三曰書四曰判四事可取則先德行行均以才才均以勞五品以上不試上名

中書門下六品

階級甚薄

後漢邊韶傳階級名位亦宜超然

際會則多

後漢陳蕃王允傳論曰及遭際

芸閣讎書

魚豢魏略芸香辟紙魚故

藏書臺曰芸臺左思魏都賦讎校篆籀太平御覽劉向別傳曰讎校者一人持本一人讀之若仇家相對故曰

讎也藍田

集作

作吏

新書地理志京兆府藍田為畿縣嵇康與山巨源書一行作史此事便廢

中間因依知己

阮籍詠懷詩寒鳥相因依南史王僧達傳不能因依左右

契閣從軍

詩死生契闊傳契閣勤苦也

其後超屬憲司

南史蕭惠開傳詔曰今以蕭惠開為憲司冀當

稱職驟登郎署

漢武故事武帝輦過郎署

埋輪而出高懸八使之威

後漢

張綱傳漢安元年遣八使徇行風俗而綱獨埋其車輪於洛陽都亭曰豺狼當路安問狐狸

起草以

居遠謝三臺之妙

胡廣漢官儀尚書郎主作文書起草晝夜更直初學記謝靈運晉書曰漢

官尚書為中臺御史為憲臺謁者為外臺是為三臺晉衛瓘傳瓘為尚書令與尚書郎索靖俱善草書時人號

為一臺
二妙

每含香而自嘆

漢官儀尚書郎懷香握蘭含雞舌奏事

常襍被而

待行

一作命非晉書魏舒為尚書郎或有非其人襍被徑出論者欲沙汰之舒曰吾即其人

伏惟

皇帝陛下鈞陶庶彙

漢董仲舒傳猶泥之在鈞惟甄者之所為又陶冶而成之

亭毒

萬方

老子亭之毒之蓋之覆之王弼曰亭謂品其形毒謂成其質

憂位同堯

漢董仲舒傳堯

受命以天下為憂而未以位為樂也

好諫若禹

衛子禹治天下以五聲聽門懸鼓鐘鐸磬而置鞀於

簞簾曰教寡人以道者擊鼓教寡人以義者擊鐘教寡人以事者振鐸語寡人以憂者擊磬語寡人以獄訟者

揮鞀此之謂五聲

東掖垣內封章何有於日聞

新書百官志門下省給事中四

人凡百官奏鈔侍中既審則駁正違失詔敕有不便者塗竄而奏還謂之塗歸蓋時以中書為西臺門下為東

臺亦稱西掖東掖李頎寄房給事詩云長安城連東青
掖垣鳳凰池對青瑣門是也漢趙充國傳婁奏封章

瑣門前列位徒參於夕拜

漢元后傳赤墀青瑣注孟康曰以青畫戶邊鏤中天子制

也師古曰青瑣者刻為連瑣文而以青塗之初學記衛
宏漢舊儀曰黃門郎屬黃門令日暮對青瑣闥拜名曰

夕擺波濤而鯢鱗纔變

莊子北冥有魚其名為鯢怒而飛其翼若

垂天之雲鵬之徙於南冥也水擊
三千里搏扶搖而上者九萬里

望煙霄而鸞翮初高

顏延之五君詠

鸞翮有時鍛誓將竭誠非敢養望

晉陶侃傳常語人曰何有亂頭養望

自謂宏

達耶然虛受難處忝據非安忽擁隼旗

周禮司常鳥隼為旗竟

辭龍闕

後漢百官志注洛陽宮門名為蒼龍闕

猶賴雲日未遠關城不遙

並見上文○箋舊書文宗紀太和七年閏

虔奉國章

南史

七月戊戌以給事中崔戎為華州刺史

梁武帝諸子傳元

正六脩事為國章

左傳敢辱焉

宣意便升亞

相之重

集作班

秩

漢朱雲傳御史大夫宰相之副案白帖謂之亞相

復委大藩之

廉問

漢高祖紀廉問有不

魚箋帝語

張華博物志漢桓帝時桂陽人蔡倫

始構故魚網造紙案魚箋未詳疑即魚網紙也

象軸神

劉孝威謝貴官紙啓云鄴下鳳銜漢朝魚網

工象軸謂以象牙為卷軸隋書牛弘上表云劉裕平姚

泓收其圖籍四千卷皆赤軸青紙文字古拙是古者

書每卷為一軸也此

拜受而若捧千鈞伏讀而如聽九

則言告身之飾耳

奏

史記趙世家簡子夢遊

誠雖深於負荷

左傳其父析薪其子弗克

於鈞天廣樂九奏萬舞

負戀實切於違離

盧諶贈劉琨詩序慰其違離之意

況曲阜遺封

禮記成王

以周公為有勲勞於天下是以封周公於曲阜地方五百里革車千乘

導河舊壤

書兗州九河既

道列九州之數

書濟河惟兗州

帶五岳之雄

謂泰山初學記五經通義曰泰山一

曰岱宗宗長也言為羣嶽之長

古為詩書俎豆之鄉

史記孔子世家常陳俎豆設禮容又

周室微而禮樂廢詩書缺孔子序書傳上紀唐虞之際下至秦繆編次其事古者詩三千餘篇及至孔子去其

重取三百五篇

今兼魚鹽兵革之地

齊世家設輕重魚鹽之利

訓整合資於

武幹

晉書諸葛長民傳有文武幹用桓冲傳最淹識有武幹

拊循宜屬於柔良

後漢

魯恭傳詔書進柔良退貪殘

豈伊屬微堪此委寄謹當冰霜勵志金

石貫誠

韓詩外傳熊渠子見其誠心金石為之開而況于人乎

駕馬奮十駕之勤

荀子驥一日而千里

鉛刀淬一割之用

韓詩外傳陳饒謂宋燕曰

馬十駕則亦及之矣

鉛刀畜之而干將用之

班固答賓戲

擗朽磨鈍鉛刀皆

能一斷後漢班超傳上疏請兵曰

況臣奉大漢之威而

無鉛刀一割之用乎

即

以今月二日

時太和七年

雪泣西拜

庾信詩雪泣悲去魯

星馳東下

晉陶侃傳二征奔走九州星馳

帝城思入雖有類于陳咸

漢陳

咸傳起家復為南陽太守時王音輔政信用陳湯

關外

咸數子湯書曰即蒙子公力得入帝城死不恨

恥居安敢同於楊僕

漢書元鼎三年徙函谷關於新安注應劭曰時樓船將軍楊僕數有

大功恥為關外民上書乞徙關以家財給其用度武帝意亦好廣闊於是徙關於新安去弘農三百里無

任瞻天戀闕之至謹附中使某奉表陳謝以聞

為安平公兗州謝上表

臣某言臣自承明詔移鎮東藩望闕而血涕以辭戒途

而星奔不息

劉琨詩
匍匐星奔

即以今月五日到任上訖當時

集軍州官吏等宣布皇風

魏志高堂隆疏
大禹之所以垂皇風

闡揚玄

造歡聲雷動嘉

集作
喜是

氣雲高臣某

中謝

臣本由儒業

南史

王承傳惟承
獨好儒業

獲厠朝榮

曹植表使名桂
史筆事列朝榮

粵自烏臺

漢朱
博傳

御史府中列柏樹常有野鳥數千棲宿其上晨去暮來
號曰朝夕烏職官分紀漢成帝時御史臺有烏集故謂

之鳥

至於青瑣

見前表

累更近地皆奉休期

徐陵陳公九錫詔昔在休

臺

期早隆

用盡心以書紳長憂福過

書紳見論語庚亮表小人祿薄福過災生

朝寄

取知足而銘座敢傲時來

老子知足不辱知止不殆後漢書崔瑗字子玉作座右銘

漢蒯通傳時

乎時不再來

旋屬皇帝陛下垂意關城推心甸服俾之

防遏兼使緝綏橫被天波未移星瑄豈期非次忽致殊

遷

徐陵書修好徵兵彌留星瑄案星謂大星瑄謂律瑄未移星瑄言時未一周也崔戎以太和七年閏七月

出守華州八年三月即遷充海故云

察俗雄藩

舊書嚴綬傳前後統臨三鎮皆號雄藩

分榮

大憲地濱河濟

周禮河東曰兗州其川河汴沛與濟同

山奄龜蒙

詩魯頌曰奄有

龜蒙遂荒大東

本孔里周封

史記孔子世家弟子及魯人往從冢而家者百有餘室因命曰孔里

水經注從征記曰洙泗二水交於魯城東北十七里闕里背洙泗牆南北一百二十步東西六十步四門各有石闔史記封周公旦於少昊之虛曲阜正義括地志云兗州曲阜縣外城即魯公伯禽所築也

有堯祠

舜澤

漢地理志濟陰郡成陽縣有堯冢靈臺雷澤在西

北水經注雷澤在大成陽縣故城西北十餘里即舜所漁也城西二里有堯陵陵南一里有堯母慶都陵皆立廟四周列水潭而不流前並列數碑案雷澤即禹貢之雷夏在今山東兗州府曹州東北六十里北接東昌府濮州界明一統志兗州府城東南七里有堯祠李

白詩云角中微服堯祠南即此南史羊侃傳云常於兗州堯廟踏壁直上至五尋橫行得七跡九州之

名數甚古

表見前

三代之禮樂舊傳退省何人合安茲地

撫躬而決

集作沾

背汗下

漢王陵傳勃汗出決背媿不能對

仰恩而溢皆

一作

淚流

說文皆目厓也列士傳朱亥皆裂血濺

況所部驍雄

虞溥江表傳許貢表

面

曰孫策驍雄與項籍相似

素兼節制

漢刑法志齊桓晉文之兵可謂入其域而有節制矣

為於

當代便屬文臣畫武聚螢

武讀曰虎後漢馬援傳畫虎不成反類狗晉車胤傳胤家

貧不能得油

昔惟久事筆硯

後漢書班超為官傭書久勞苦投筆歎曰大丈夫當

囊螢照書

立功異域安能

佩鞬帶鶡

帶當作戴左傳左執鞭弭右屬橐鞬注橐以受箭鞬以受

久事筆硯乎

弓漢官儀虎賁冠插鶡尾

今寧能執干戈

禮記魯人欲勿殤重汪錡問於仲尼仲尼曰能執干

戈以衛社稷欲勿殤也不亦可乎

幸臣前在華州日虔奉詔條克宣戎

律

晉陸曄等傳論曰殷浩出總戎律

檢下而羊無九牧

魏志州牧縣宰割剥自私人不

聊生而更員外置官古謂十羊九牧

馭黠而犬用左牽

禮記效犬者左牽之

用令去

任之時大有遮留之請

魏略顏斐遷平原太守吏民遮道車不得行稽十日方得出北

史唐永傳永為南幽州刺史夷人送故者莫不垂淚當路遮留隨數日始得出境

盡三屬縣至

萬餘人不放即途皆來卧轍

後漢侯霸傳為臨淮太守被徵百姓攀轅卧轍不許

去竟稽朝發

江表傳汎舟舉帆朝發夕至

遂致宵奔

後漢孟嘗傳嘗為合浦太守被

徵當還吏民攀車請之嘗既不得進乃載鄉民船夜遁去晉書鄧攸為吳郡太守稱疾去職百姓數千人牽留攸船不得進攸乃止傳中夜發去○箋新書崔戎傳時詔使尚在民泣詣使請曰天子句戎還使許諾戎夜單

騎亡去民追請於茲時亦因前政冀漸令蘇息

後漢朱浮傳疏

曰保宥生人

使得蘇息

長使謐寧

晉周玘傳期年之間境內寧謐

然後遠訪云亭

漢郊祀志無懷氏封泰山禪云云黃帝封泰山禪亭亭

注服虔曰云云在梁父東山名也晉灼曰云云山在蒙

陰縣故城東北地理志鉅平有亭亭山案云云在今山

東濟南府泰安州東南一百二十里亭亭在州南五十

里皆泰山

高尋日觀

見為京兆公表

備萬乘登封之所

漢武帝紀上登

封泰山降

設諸侯朝宿之儀

公羊傳許田者何魯朝宿之邑也諸侯時朝乎天子

天子之郊

諸侯

盛禮獲窺微願斯畢過此以往不知

皆有朝宿之邑焉

所圖無任戴恩墮越之至謹差某官某奉表陳謝以聞

為濮陽公陳許謝上表

箋案舊書王栖曜傳栖曜濮州濮陽人累官廊坊丹

延節度觀察使檢校禮部尚書兼御史大夫子
茂元幼有勇略從父征伐知名元和和中為右神
策將軍太和中檢校工部尚書廣州刺史嶺南
節度使招懷蠻落頗立政能南中多異貨茂元
積聚家財鉅萬計李訓之敗中官利其財倚撫
其事言茂元因王涯鄭注見用茂元懼罄家財
以賂兩軍於是授忠武軍節度陳許觀察使故
有是表也新書方鎮表貞元三年置陳許節度
使治許州十年賜號忠武軍地理志許州領縣
九長社長葛陽翟許昌鄆陵扶溝臨潁舞陽鄆
城陳州領縣六宛丘太康項城潁水南頓西華
並屬河南道王栖曜傳茂元家積財交煽權貴
鄭注用事遷涇原節度使注敗悉出家貲餉兩
軍得不誅封濮陽郡侯召為將作監領陳許節

度使案茂元封濮陽郡侯故
稱濮陽公此則以其爵也

臣某言臣伏奉去月八日制書授臣前件官臣即以某

月日到任上訖當時集軍州官吏僧道耆老等揄揚王

集作

化宣布睿慈連營咸鼓於翼風

魏志劉備與孫權
交戰樹柵連營七

玄

百餘里 闔境均霑於允澤臣某

中謝

臣材謝漢飛

漢李廣
傳匈奴

號曰漢

義慙燕使

集作客戰國策望諸君報燕王書曰
臣乃口受令其符節南使臣於趙顧

飛將軍

反命起兵 隨而攻齊 獻書求試

新書茂元少好學德宗時上書自
薦擢試校書郎改太子贊善大夫

學劍邀勲

漢項籍傳學書不成去學劍。箋新書
呂元膺留守東都署茂元防禦判官

大舸

千艘

杜篤詩都賦大舩萬艘轉運相過

早竊樓船之任

漢書元鼎五年遣樓船將軍楊

僕出豫章下湏水

勝兵萬數

勝音升漢伍被傳勝兵可得二十萬

晚兼車騎之名

漢官儀漢興置車騎將軍金印紫綬位次二千石杜氏通典漢文帝元年始用薄昭為車騎將軍雖任

在啟行

詩元戎十乘以先啟行

而時當柔遠

書柔遠能邇

珠崖銅柱

漢書

元鼎六年定越地為珠崖郡注應劭曰郡在大海中崖岬之邊出真珠故曰珠崖晉地理志曰南郡象林縣今

有銅柱漢立此為界貢金供稅新書南蠻傳環王本林邑其南大浦有五銅柱山形若倚蓋西重巖東涯海漢

馬援所植也案漢珠崖儋耳二郡今為廣東瓊州府地

祇務廉平

史記召公傳緹縈上書曰妾父

為吏齊中麻壘父亭

初學記引秦州記曰抱罕城西有麻壘中可容萬衆漢地理志天水

郡獮道縣騎都尉治密艾亭魏地

莫能恢復

東都賦恢復疆宇

旋屬皇帝陛下荆枝協慶棣萼傳輝

謂武宗茂元為陳許節度使蓋在會

昌之

臣得先巾墨車

周禮中車職曰大夫乘墨車

入拜丹陛

隋薛道衡傳高

祖頌曰驅

蘭臺假號

漢官儀御史大夫之丞兼典蘭臺秘書

棘署參榮

周禮

馳丹陛

朝士掌建邦外朝之法左九棘孤卿

奉漢后之園陵

後漢

大夫位焉右九棘公侯伯子男位焉

光武紀詔修復西京園陵注園謂塋域陵謂山墳通

典將作監掌修作宗廟路寢宮室陵園木土之功

獲

申送往掌周王之廩庾

周禮廩人掌九穀之數以待國之匪頒賙賜稍食通典司農卿

掌邦國倉儲之事崇茂元遺表云伏思任司農大卿之日授忠武統帥之時紫微承恩彤庭入對是由司農卿

遷陳許節度史畧之耳

方切事居

左傳送往事居耦俱無猜貞也案往謂文宗居謂武宗文宗晏

駕茂元蓋嘗以特作監佐山陵之役故曰奉漢后不謂之園陵武宗即位除司農卿故曰掌周王之廩庾

遽董戎旃

謝朓戕契濶戎旃從容讌語

還持武節

漢書元封元年詔曰躬秉武節通典

晉制都督使持節為上持節次之假節為下使持節得殺二千石以下持節殺無官位人若軍事得與使持節

同唐分天下州郡制為諸道每道置使治於所部其邊方有寇戎之地則加以旌節謂之節度使蓋古之持節

都督自至德以來天下多難諸道皆聚兵增節度使為二十餘道

賜國既高於七命

周禮

掌命職曰侯伯七命其國家宮室車旗衣服禮儀皆以七為節承家又慶於重侯

易大君有

命開國承家漢書許史三王丁維彼璧田

春秋桓公元年三月鄭伯

以壁假
許田

實聯鼎邑

左傳武王克商遷九鼎於洛邑

古之近甸今也雄藩

想像汝南星聚而先賢未遠

劉歆叔異苑汝南陳仲弓從諸子姪造潁川荀季和

父子於時德星為之聚太史奏五百里內有賢人聚

經過潁上水濁而強族皆除

漢灌夫傳夫字仲孺潁陰人也宗族賓客為權利橫潁川潁川兒歌之曰潁水清灌氏寧潁水濁灌氏族

在昔年常鄰多壘

禮記四郊多壘此鄉大夫之辱也

載瞻軍額

舊書敬宗紀時

置武昌
軍額

深見士心貴忠孝之兩全則忠可移孝

孝經君子之事

親孝故忠可移於君

正文武之二道則武可輔文將謀將領之能

南史王融傳奏曰近塞外微塵苦求將領

必重英豪之選

晉石謨傳謨曰若非上哲必由英豪

豈虞拔擢

揚雄劇秦美新數蒙渥惠拔擢倫比

乃出孱微謹當阜俗而必

致人和貞師而不為兒戲

易師貞丈人吉漢書周亞夫軍細柳文帝勞軍至其營曰

嗟乎此真將軍矣向者

使流庸自占

漢昭帝紀詔曰此歲不登民匱於食

霸上棘門如兒戲耳

流庸未盡還師古曰流庸謂

驍悍知方

吳陸遜傳雖云師老猶有驍悍

去其本鄉而行為人庸作

任棠水薤之規臣當可復

後漢龐參傳參為漢陽太守郡人任棠者隱居教授參到

先候之棠不與言但以薤一大本水一孟置戶屏前自抱孫兒立於戶下參良久曰水者欲吾清也拔大本薤

者欲吾擊強宗也抱兒當戶欲吾開門恤孤也

黃霸米鹽之政臣亦不遺

漢循吏傳

黃霸為潁川太守米鹽靡密治為天下第一徵守京兆尹秩二千石

麤勤報效之資用贖

貪饕

集作

之責

漢王莽傳馳傳天下考覆貪饕

奉違軒鏡

軒轅內傳帝會王母鑄鏡

十二隨日用之宣和博古圖昔黃帝液金作神物為鑑凡十有五去古既遠不能盡考後世有得其一者其制

度以四靈佐四方以八卦定八極十二辰環其外二十四氣布其中故與日月合明鬼神通意

幾落堯

堯

帝王世紀堯時有異草夾階而生每一日生一葉至十五日生十五葉至十六日一葉落至三十日落盡

若小月即一英厭而不落謂之英英

比園葵以自傾晝惟向日

文選有陸機園葵詩

說文黃葵嘗傾葉向日不令照其根

羨海槎之不繫秋則經天

張華博物志舊說天

河與海通近有居海者年年八月有浮槎來甚大往返不失期此人乃多賈糧乘槎去忽忽不覺晝夜奄至一

處望室中見一女方織一丈夫牽牛渚次飲之人問為何處答曰君可詣蜀嚴君平此人還問君平君平曰某

年某月有客星犯牽牛即此人到天河也感激而淚血沾衣兢憂而汗雨浹

集作洽

背

並見前

無任感恩戀闕兢惕屏營之至

為濮陽公陳情表

箋此王茂元為涇原節度求代表也案舊書文宗紀太和九年

李訓鄭注用事是歲冬十月癸未以前廣州節度使王茂元為涇原節度使踰月而甘露之變作中人倚撫其事當在此際而表云一去闕庭五惟寒暑蓋中人德其重賂故能久帥涇原其陳情當在開成四年之秋冬去文宗之升遐無幾矣

臣某言臣聞事君以忠者所宜效死食君之祿者亦戒

妨賢

說苑虞丘子謂楚莊王曰臣為令尹處士不升妨羣賢路

苟非內慊私誠外憂

官謗則安肯固辭武節

並見前

強委信

一作侯誤

圭

周禮侯執信圭

拒

七命賜國之榮

周禮大宗伯以九儀之命正邦國之位壹命受職再命受服三命受位四命受

器五命賜則六命賜官七命賜國八命作牧九命作伯

捨萬里封侯之策

見為柳州表

必知不可安敢無言臣某

中謝

臣因緣代業

盧諶詩序因緣運會

得蒙按事孔叢子仲尼大聖自茲以降世業不替也

遭逢

集作遇

聖時竊常有志四

方左傳姜氏謂公子曰子有四方之志

不掃一室

後漢書陳蕃曰大丈夫處世當掃除天下安事

一室奉隨武之家事無媿陳辭

左傳屈建問范會之德於趙武趙武曰夫子之

家事治言於晉國竭情無私其祝史祭祀陳信不媿

慕鄧傳之門風不傷清議

後漢鄧禹

傳禹有子十三人各使守一藝修整閨門教養子孫皆可以為後世法顯宗即位拜為太傅晉山簡傳郭泰許

劭之倫明清

議於草莖屬者每憂不試深恥因媒

說苑孟嘗君曰縷因針而入不

因針而急嫁女因媒而戚不因媒而親

自薦之書朝投象魏殊常之澤暮

降芸香

晉裴頠傳臣亦不敢聞殊常之詔餘並見前

其後契闊星霜羈離戎

旅從軍王粲徒感所知

王粲從軍詩從軍有苦樂但問所從誰所從神且武焉得久勞

師

草檄陳琳亦常交辟

典略陳琳字孔璋草檄文成以呈太祖太祖先苦頭風是日疾

發卧讀琳所作翕然而起曰此愈我疾起志琳被太祖辟為丞相掾屬

呂元膺東周保釐

之日

書王以成周之衆命畢公保釐東郊○箋舊書呂元膺字景文鄆州東平人元和中和代權德輿為東

都留

李師古天平畔換之時

漢書叙傳項氏畔換黜我巴蜀注強恣貌。變師古

當作師道舊書李正己傳師道師古異母弟師古死其

奴不發喪潛遣使迎師道於密而立之元和元年十月

加檢校工部尚書充平盧軍及淄青節度副大使知節

度事自正己至師道竊有郾曹等十二州六十年矣新

書方鎮表元和十五年賜潛入其徒盈於留邸漢季布

郾曹濮節度使號天平軍傳至留

邸臣此時尚持白簡晉書傳玄每有奏劾或值日猶著

青袍

古詩青袍似春草案遺表云藍衫不脫竹簡仍持

與此同意藍衫即青袍杜氏通典貞觀四年令八

品九品以上服青時茂元為元膺防禦判官判官例以

御史充故青袍義山詩所謂青袍御史是也偶成轉韻

詩云歸來寂寞靈臺下著破藍衫出無馬亦其證矣白

簡即竹簡唐會要武德四年詔五品以上執象笏六品

簡即竹簡唐會要武德四年詔五品以上執象笏六品

以下執竹木笏初學記云笏手板也

元膺知臣傳劍論兵

漢司馬遷傳在趙者以傳劍論

顯注服虔曰世善劍也後漢馬援傳帝常言伏波論兵與我意合

本於仁信

孫子將者智信仁勇

嚴佩鍵插羽

見為安平公表

亦識孤虛

漢藝文志五行家有風后孤虛二十卷後漢書

方術傳孤虛之術注孤謂六甲之孤辰若甲子旬中戌亥無干是為孤也對孤為虛趙彥傳朝廷令宗資討秦

山殘賊彥為資陳孤虛之法

俾以發姦

漢趙廣漢傳其發姦摘伏如神

假之捕盜

後漢

劉玄傳注漢法十里一亭亭置一長捕賊掾專捕盜賊也

幸無容刃

一作忍非見下遺表

以及

焚巢

易鳥焚其巢旅人先笑後號咷○箋舊書呂元膺傳元和十年七月李師道留邸伏甲謀亂初師道

於東都置邸院兵謀雜以往來吏不敢辨因吳元濟北犯郊畿多警防禦兵盡戍伊闕師道伏甲百餘於邸院

將焚宮室而肆殺掠已烹牛饗衆明日將出會小將李再興告變元膺追兵伊闕圍之半月無敢進攻者防禦判官王茂元殺一人而後進或有毀其壙而入者賊旋衆突出濟伊水望山而去官兵進圍於谷中盡獲之旋

帶銀章

漢百官公卿表凡吏秩比二千石以上皆銀印青綬注漢舊儀云銀印背龜鈕其文曰章俄

分竹使

漢文帝紀注應劭曰竹使符皆以竹箭五枚長五寸鐫刻篆書第一至第五

隼旗楚

峽出以分憂

晉宣帝紀固辭天子曰此非熊軾鄖城漢

輿服志三公列侯伏熊軾黑旂漢地理志江夏郡竟陵縣有鄖鄉楚鄖公邑

忽然通貴

南史蕭琛

傳近於通貴○箋楚峽謂峽州鄖城謂鄖州唐峽州治夷陵縣有西陵峽鄖州治長壽縣本竟陵也茂元蓋以功

遷官歷峽鄖二州刺史故曰隼旗楚峽熊軾鄖城史皆略而不書

宣意復踰五嶺

漢張耳傳

南有五嶺之戍注裴氏廣州記云大庾始安臨賀桂陽揭陽是為五嶺

更授再麾

顏延之五君詠

一麾乃出守夢溪筆談今之守郡謂之建麾蓋用顏延年詩誤延年謂一麾者乃指麾之麾如武王左秉白旄

以麾之麾非旌麾之麾也延年阮始平詩云屢薦不入官一麾乃出守者謂山濤薦咸為吏部郎帝不用荀勗

一擠遂出始平延年被擠以此自託耳自杜牧之有擬把一麾江海去之句始謬用一麾遂成故事野客集書

僕考唐人詩如杜子美柳子厚許用晦獨孤及劉夢得

陸龜蒙等皆用一麾事獨牧之謂把一麾為露圭角似

失延年之意如張說詩湘濱擁出麾如此用則何害筆

談謂今人以守郡為建麾用顏詩事自牧之始亦未然

觀三國志擁麾守郡文選建麾作牧此語在前久矣

謂把一麾之誤自牧之始則可謂建麾之誤則不可

間叨相青宮

神異經東方有宮青石為牆門有銀 陪以青石碧鏤題曰天地長男之宮 忝司

緹騎

環濟要略司隸出從緹騎通典漢執金吾緹騎二百人持戟五百二十人輿服尊從光生滿路唐為

左右金吾衛置大將軍一人將軍二人副其事

纔通閨籍

謝朓詩既通金閨籍

又處藩條

謂出帥嶺南

越井朝臺

太平御覽郡國志曰廣州越井岡一云越王井言趙佗誤墜酒盃於井遂

浮出石門故諺曰石門通越井也明一統志越秀山在廣州府城內上有越王臺故址昔尉佗因山為之又有

越王井一名趙佗井南漢劉氏號為玉龍泉水經注尉佗舊治處負山帶海博敞沙目佗因岡作臺北面朝漢

圓基千步直峭百尺頂上二畝複道迴環朔望升拜名曰朝臺王象之輿地紀勝朝臺在廣州番禺縣西五里

案李涉鷓鴣詞云越岡連越井越鳥更南飛即此越王井也

備經艱險貪泉湏水

晉書

吳隱之為廣州石門有貪泉傳云飲者貪隱之酌而飲之為詩曰若使夷齊飲終當不易心漢書樓船將軍楊

僕出豫章下湏水師古曰湏音丈庚反水經注潯水南
逕湏陽縣西出湏陽峽左則湏水注之水出南海龍川
縣西逕湏陽縣南右注潯水故應劭曰湏水西入潯也
元和郡縣志石門水一名貪泉出廣州南海縣西三十
里平地湏水在韶州曲江縣東一里太平
寰宇記曲江漢舊縣以湏水屈曲為名

益勵平生是

甘馬革之言

見下祭伏
波神文

常懼武皮之誚

揚子羊質而虎
皮見草而悅見

狼而戰。箋遺表云兩踰嶺嶠四建牙旗是茂元官嶺
南者再也自鄒城遷者似是郡守而下文云中間叨相
青宮忝司緹騎則又自嶺南入為京職據舊書太和
為嶺南節度而先是元和中嘗為右神策將軍蓋即所
謂忝司緹騎者新書云自校書郎改太子贊善大夫亦
可謂叨相青宮但此在防禦判官之前殊不相合恐初
解嶺南而還別授儲
官史載之不詳耳

及聖造遠流南極

淮南子章亥自
北極步至南極

許拱北辰黃犢留官

晉羊祜傳祜兄子篇為鉅平侯奉祜嗣篇歷官清慎有私牛于官舍

產犢及遷

胡床掛柱

魏略裴潛為兗州刺史常作一胡床及其去也留以掛柱 如生

而留之

羽翼

魏文帝詩身輕生羽翼

若出嬰羅

郭璞江賦慙神使之嬰羅

誓以歸彼冗

負處之散地

箋此言解嶺南節度而歸惟願為冗散也

俄以朝那闕守

漢地理志

安定郡有朝那縣應劭曰故我那邑也案朝那故城在今陝西平涼府城東南唐涇州安定郡治保定縣即今

府治平涼縣古朝那地也

昆壤須人

揚惲報孫會宗書安定山谷之間昆夷舊壤新書方鎮表大厯

三年置涇原節度使治涇州貞元六年涇原節度領四鎮北庭行軍節度使元和四年增領行渭州

一去

闕庭

潘岳西征賦竊託慕於闕庭

五罹寒燠處京畿五百里之內控

番寇數十州之多提鼓燒烽增埤濬洫

埤與卑通漢劉向傳增埤為高

詳見祝文

雖國家遠追

集作

上策不事交爭

漢匈奴傳王莽欲窮追匈奴嚴

尤諫曰匈奴為害未聞上世有必征之者也後世三家周秦漢征之然皆未有得上策者也周得中策漢得下

策秦無策焉

然蛇豕難防

左傳申包胥曰吳為封豕長蛇以薦食上國

犬羊易縱

苟罷嚴徵警則負約渝盟

箋自廣德元年涇原沒于吐蕃以後頻復頻陷

臣自

受命以來為日斯久未嘗一日不脩戰格

舊書張仁愿為朔方總管

藥三受降城不置戰格

未嘗一日不數軍儲

左傳歸而飲至以數軍實

使士有

鬪心人無虛額使之偵候咸亦聞知

晉桓玄傳玄偵候還云裕軍四塞不

知多 尚未能率厲驍雄揣摩鋒鏑遠收麻壘直取艾亭

見陳許 謝上表 成大朝經武之威 後漢杜篤傳辛氏秉義經武 畢微臣報主

之分可書竹帛 後漢鄧禹傳禹曰但願垂功名於竹帛耳 不辱旂常 周禮日月為常

交龍為旂禮記 有功銘于太常 蓋以久處炎荒備薰瘴毒 番禹離絕嶺外二三月為

青草瘴四五月為黃梅瘴六七 月為新木瘴八九月為黃茅瘴 內搖心力外耗筋骸雖

馬援據鞍尚能矍鑠 後漢馬援傳援據鞍顧盼以示可用帝笑曰矍鑠哉是翁也 而

班超攬鏡不覺蕭哀 後漢班超傳超自以久在絕域年老思土上疏曰臣超犬馬齒殫常

恐年衰奄忽僵仆超妹昭亦上書請超曰超年最長今且七十衰老被病頭髮無黑晉王衍傳在車中攬鏡自

照恐無以早就大功久當重任自思已熟求退為宜

後漢

韋彪傳詔曰中被
篤疾連上求退

伏惟皇帝陛下道冠百王功高三代

照臨若日覆露如天

晉語是先主覆露子也注露潤也
淮南子帝者覆露昭導普施而無

私況今國不乏人時稱多士有才略在臣之右齒髮少

臣之年

漢書高后令大謁者張澤報冒
頓書曰年老氣衰髮齒墮落

俾代處是邦遙

臨斯位以之責效誰曰不然俾前達後生皆無蔽滯由

中及外得以交相成陛下適時之方

晉王羲之傳遺謝
安書曰豈非適時

之宜減微臣固寵之責

漢書韓增保身固
寵不能有所建明

臣不勝祈恩

懇迫之至謹差某官奉表以聞

為滎陽公桂州謝上表

箋舊書宣宗紀大中元年二月以給事中鄭亞為桂

州刺史御史中丞桂管防禦觀察使循州刺史案地理志
月責授桂管防禦觀察使治桂州管桂韶蒙
嶺南西道桂管經略觀察使
富梧潯龔鬱林平琴賓澄繡象柳融等州循州
屬嶺南東
道節度使

臣某言臣奉違禁掖祗役遐陬

王勃廣州塔碑記相彼遐陬實惟荒裔

雖

懸就日之誠

見為汝南公表

懼曠宣風之寄

漢王褒傳益州刺史王襄欲宣風化

於眾庶使褒作中和樂職宣布詩
選好事令依鹿鳴之聲習而歌之

柔轡載揚于永路

左傳

襄公二十六年國子賦轡之柔矣

輕舠利濟於大川

詩誰謂河廣曾不容刀筏狹小船曰

刀釋文刀如字字書作舠南史齊武帝詣子傳輕舠還闕

即以今月九日到任上訖

臣某

中謝

臣系承儒訓

晉荀崧傳參訓國子以弘儒訓

生屬昌期

南史王茂

等傳論曰王茂等運接昌期

初掛弁髦

左傳豈如弁髦而因以敝之注童子垂髦始冠必三加冠

成禮而棄其始冠疏士冠禮始冠緇布冠次加皮弁次加爵弁冠義云緇布之冠冠而敝之可也

即親

筐篚

漢賈誼傳俗吏所務在于刀筆筐篚

嘉樹無忘於封殖

左傳韓宣子求聘公享之

韓子賦角弓既享晏於季氏有嘉樹焉宣子譽之武子曰宿敢不封殖此樹以無忘角弓

青氈不落

於寇偷

世說王子敬夜齋中卧有羣盜入其室王徐曰偷兒青氈我家舊物可特置之

再擢詞

科一登冊府

謂秘書省穆天子傳天子北征東還乃循黑水至于羣玉之山四轍中繩先王之所

謂策府冊與策同

徂遷歲律浮泛軍裝

揚雄甘泉賦振殷麟而軍裝

忽彰華

纓

鮑昭詩仕子彰華纓

俄列通籍極望郎於南省

魏書孝文帝曰吏部郎必使才

望兼允者陸游筆記唐人本以尚書省在大明宮之南故謂之南省

備給事於左曹

漢楊敞傳

子憚名顯朝廷擢為左曹案左曹謂門下省沈佺期自考功負外拜給事中詩云南省推丹地東曹拜瑣闥東

曹即左曹也

中間帖掌臺綱

通典御史為風霜之任舊制但聞風彈事提綱而已舊書伏兼

纂傳文宗顧謂之曰御史臺朝廷綱紀臺綱正則朝廷理

分修國史

箋舊書武宗紀會昌元年李德

裕奏改修憲宗實錄所載吉甫不善之迹鄭亞希旨削之三年十月宰相監修國史李紳兵部郎中史館修撰

判館事鄭亞進重修憲宗
寶錄四十卷頒賜有差

旋值孽童拒詔

集作召謂劉稹

狂虜

亂華

謂回鶻

副中憲以急宣

木華海賦邊荒遽告王命急宣

佐微臣而遙護

督晉氏遷延之後

左傳諸侯之大夫從晉侯伐秦至于棧林乃命大還晉人謂之遷延之後

絕戎人偵邏之姦

後漢書南匈奴傳南單于既居西河亦列置諸部王助為扞戍皆領部衆

為郡縣偵邏耳目此單于惶恐

敢伐善以攘瑜

左傳晉獻公欲以驪姬為夫人卜之其繇曰專

之渝攘公之瑜注瑜美也

固盡誠於養棟

棟通作棘孟子養其槭棘爾雅槭酸棗注樹小實酢

小爾雅棘實謂之棗陸佃埤雅大者棗小者棘酸棗棘也

伏惟皇帝陛下武推時夏

詩肆于時夏

文號欽明

書欽明文思

方將虔奉紫泥

漢舊儀天子信璽六皆以

武都紫泥封之西京雜記漢以恭拜青瑣見為安豈意

武都紫泥為璽室加綠綈其上平公表

遽分專席謂御史中丞初學記尚書令東漢與司隸校尉御史中丞皆專席坐京師號曰三獨坐

叨賜再麾謂桂州刺史首南服以稱藩漢匈奴傳三世稱漢控西原而

遏寇詩式遏寇虐西原與祝文褰帷廉部後漢賈琮傳舊典傳車驂

駕垂赤帷裳琮為冀州刺史猶恐墜於斯文橫槊令軍

命褰之百城聞風自然竦震南史宋桓榮祖曰昔曹公父子上馬橫槊下馬談咏實致憂於不武左傳荀彧曰城小而固勝

之不武雖期竭力終懼敗官左傳貪以敗官為墨況俗雜華夷地兼

縣道見前文身椎髻漸尉佗南越之餘說苑諸發曰翦髮文身爛然成

章以像龍子者將避水神也漢書陸賈傳賈至尉佗魁結箕踞見賈南粵傳趙佗真定人也秦已滅即擊并桂

林象郡自立叩鼓鳴鐘傳士變交州之態吳士變傳變兄弟並為列

郡雄長一州出入鳴鐘網疎則魚漏漢酷吏傳號為罔漏吞舟之魚繩

急則磨驚說文磨磨也陸氏釋文磨亦作磨又作麋俱倫反草木疏云磨磨也青州人謂之磨黃氏

韻會麋性善驚故從章章者悼惶也案聲膽甚怯飲水見影輒奔欲經緯以合宜左傳

鯁曰經緯天地曰文顧韋弦而匪易韓子西門豹性急佩韋以自緩董安于性緩佩弦以自急

伏願陛下務修儉德書慎乃儉德惟懷永圖廣扇廉風沈約碑扇以廉風

拾翠採珠曹植洛神賦或採明珠或拾翠羽漢書南粵王傳獻生翠四十雙王章傳妻子徒合浦采

珠致產數百萬

不勤異物

書不貴異物賤用物民乃足

驅屏逐象用示深仁

見孟始於問俗之時

魏崔琰傳仁聲先路存問風俗

便獲稱君之美

禮記

善則稱君過則稱已

則民作忠東方朔非有先生論退不能揚君美以顯其功

臣亦當求規水

薤

見為濮陽公表

取戒脂膏

後漢書孔奮為姑臧長力行清潔或以為身處脂膏不能自潤徒益

耳苦辛

冀少息於羣

集作疲

黎庶免拘於司敗

見為汝南公表

三梁

路阻

晏殊類要引尋陽記曰三梁山在北有三石梁長廣盈尺險不可度

九嶠山

集作封

遙

晏殊類要引吳錄曰南野縣有大庾山九嶠嶠以通廣州

浮江遇

一作過

楚澤之萍

家語

楚昭王度江中有一物大如斗圓而赤直觸王舟舟人取之王使使問於孔子孔子曰此萍實也惟伯者能獲

馬望國隔番禺之桂

山海經桂林有八樹在番禺東

遐思白鳥鎮颺音

于周圍之中

詩王在靈囿白鳥驚驚

遠羨仙棠永固本于堯階之

上見為濮陽公表

無任感恩望闕結戀屏營之至

為懷州李中丞謝上表

原注武宗○按地理志河北道懷州領縣五河內武

德獲嘉武陟脩武○懷李中丞不知其名據表云過獎在朝承乏充使將聖代懷柔之德率昆夷畏慕之心萬里以遙三時而復蓋嘗使吐蕃而還乃拜懷州之命者案舊書吐蕃傳會昌二年贊普卒十二月遣論贊熱來告哀詔以將作少監李璟弔祭之表云三時而還則還期當在三年之深秋時方命陳許節度使王宰討澤潞與潞潛逆孽許出全師之語適相符合李中丞

蓋即其人也或以為李師偃余案武宗紀會昌元年八月回鶻烏介可汗至塞上上表借天德城以安公主仍乞糧儲詔金吾大將軍王會宗正少卿李師偃往其牙宣慰則近在天德何言萬里以遙昆夷乃西戎不得以此斥回鶻時劉從諫尚存澤潞亦未叛皆與表語抵牾李中丞之為李璟無疑矣

臣某言臣伏奉某月日制書授臣某官者天旨下臨星言東驚即以今月某日到任上訖臣某

中謝

臣聞漢分

刺舉之條三河最重

史記田仁傳褚先生曰田仁上書言天下郡太守多為姦利三河尤

甚臣請先

唐制郊圻之數二宅惟均

書申畫郊圻舊書京畿採訪使理京

師城內都畿採訪使理東都城內

況蘇公舊田

左傳王取鄆劉為邾之田于鄭而與鄭人蘇忿

生之田溫原綿樊隰鄆攢茅向盟州陘隤懷注蘇忿生周武王司寇蘇公也凡十一邑皆蘇忿生之田

懷

侯故邑

懷侯未詳鄆元水經注引韓詩外傳曰武王伐紂到邢丘更名邢丘曰懷懷縣故城括地志云

在武陟縣四十一生歷考傳記未有以此為懷國之邑者或引唐叔所分懷姓九宗以實之然懷是姓非國名也九宗在河東亦不在河內當闕疑

太行會險

括地志太行山在河內縣北五里呂氏春秋通乎德之

情則孟門太行不為險矣劉歆遂初賦馳太行之險峻入天井之高關元和郡縣志太行陁在懷州北羊腸所經實為德水通津

漢郊祀志秦文公獲黑龍以為此水德之瑞更名河曰德水案唐益州治

險隘

河陽縣今為孟縣屬河南懷慶府黃河在縣南二十里即古孟津也

在申畫之時素為清

地語翕張之勢號

一作實

曰要區

老子將欲翕之必固張之

自河上置

軍以幕中分理地雖密邇

左傳以陳蔡之密邇于楚

事異躬親

詩勿躬勿

親庶民勿信

伏惟仁聖文武至神大孝皇帝陛下

此會昌二年所上尊

號神以運機聖而制變將鎮頑梗更務恢張

皇甫謐三都賦序並

務恢張其文

由是開三壘之新規模復數朝之故事

箋三壘即河陽三城

按三壘初改為州故曰新規模河陽本屬懷州顯慶二年割屬河南府今復屬懷州故曰故事新書地理志河北道孟州建中二年以河南府之河陽河清濟源溫租賦入河陽三城使又以汜水租賦益之會昌三年遂以五縣為州元和郡縣志建中二年置河陽節度使即河陽三城使會昌三年改置益州治河陽通典北中府城後

魏太和中築東魏元象元年又築南城及中潭城是為三城孟縣志三城記云河陽北城南臨大河長橋架水古稱設險南城三面臨河屹立水濱中潭城表裏二城南北相望黃河兩派貫於三城之間南北二城皆有濡足之患而中潭屹然如故

齋壇將節

漢韓信傳蕭何曰王必欲拜之擇日齋戒設壇場具禮乃可王

許之諸將皆喜人人各自以為得大將

重加廉郡之雄皂蓋朱輜

漢景帝紀令長

吏二千石車朱兩轡千石至六百石朱左轡應劭曰車耳反出所以為之藩屏翳塵泥也二千石雙朱其次乃偏其左轡以簞為之或用革轡與轡同音甫元反後漢輿服志中二千石二千石皆皂蓋朱兩轡各有

為州之貴遥徵三紀

書既歷三紀世變風移

間有兩人陶某以吏

理當材鄭某以名家正授

陶鄭未詳

清塵不遠

盧諶贈劉琨詩序自奉清

塵於今
五稔

餘烈猶存頌條之寄

注見前

繼組為難

說文組綬屬詳見祭

文若臣者品以勲昇官由賞達徒慕益恭之美

左傳正考父佐

戴武宣三命茲益共故其昂銘云一命而僂再命而偃三命而俯循牆而走亦莫余敢侮饘于是粥于是以餬

余口其恭也如是

以承猶宥之恩

見為京兆公表

過獎在朝承乏充使

左傳攝官承乏

將聖代懷柔之德率昆夷畏慕之心

詩昆夷脫矣變昆夷

西戎萬里以遙三時而復副介不離於痼疾

一作疾故劉楨詩余

嬰沈痼疾竄身清漳濱自夏涉玄冬彌廣盈十旬

故人

一作人從是

免嘆于凋零敢

矜跋涉之勞

詩廊風大夫跋涉我心則憂

自被生成之賜

吳諸葛瑾傳蒙生成

之福 豈謂皇帝陛下謂能專對遽委牧人仍其柏署之雄

見兖州

賜以竹符之重

見為汝南公表

遂使霍氏固辭之第

漢霍

去病傳上為治第令視之對

早建雙旌

新書百官志節度使賜雙旌雙

曰匈奴不滅無以家為也

節行則建節樹六纛儲光武詩今之太守古諸侯出入雙旌垂七旒案雙旌唯節度領刺史者有之諸州不與

焉今則通用為

于公必大之門

漢于定國傳始定國父于公其閭門壞父老方

共治之于公謂曰少高大門閭令容駟馬高蓋車我治

獄多陰德子孫必有興者至定國為丞相永為御史大

夫封侯

更屯五馬

述齊間覽漢制太守駟馬其加秩賢

傳世云

中二千石乃石駟故以五馬為貴

無所象

書惟稽古崇德象賢

分可自量

漢張女世傳免冠頓首曰誠自量不足以居大位

入祖廟而歛驚瞻父堂而益懼

書若考作室既底法厥子迺弗肯堂矧肯構

況潞潛逆孽許出全師

舊書武宗紀會昌三年九月下制討劉稹以陳許節度使王宰

充澤潞南面招討使

繫集作較非

此州兵橫制賊境兼聲勢之任有資

之頌

一作須左傳申侯曰師老矣若出于陳鄭之間共其資糧屨屨其可也

謹當懋舉詔

書聽求人瘼

後漢循吏傳廣求民瘼

思理行之第一誠媿昔賢

漢張

敞傳潁川太守黃霸以治行第一入守京兆尹

奉忠孝於在三亦惟先訓

晉語樂共

子曰人生於三事之如一父生之師教之君食之

苟憊素誓則有神明伏遠雲

天已逾旬朔

魏鍾會傳注王弼答荀融書隔踰旬朔

獻封人富壽之祝未

卜其時

莊子堯觀乎華封人曰請祝聖人使聖人壽富多男子堯曰辭多男子則多懼富則多事壽則

多辱懸子年江海之思莫知其極

見為京兆公表

無任感恩攀戀

闕庭之至

李義山文集卷一

謹案第十八頁後五行凡居率土之濱刊本凡訛
況據文苑英華改


第二十二頁後四行謹當宣舉詔書按別本宣舉
作亟奉

第二十九頁後八行能執干戈以衛社稷刊本社
稷訛牧圉據禮記改

第三十五頁後八行慕鄧傳之門風刊本慕訛纂
據文苑英華改

金史四
第四十三頁前二行佐微臣而遙護按文苑英華
微臣作威城

第四十六頁後三行伏惟仁聖文武至神大孝皇
帝陛下刊本仁神二字互訛據武宗本紀改



總校官庶吉士臣張能照

校對官庶吉士臣陳文樞

謄錄監生臣周燮

欽定四庫全書薈要

集部

李義山文集卷二



詳校官助教臣常循

欽定四庫全書薈要卷一萬四千六十

集部

李義山文集卷二

監察御史徐樹穀箋

山東提學僉事徐炯註


表下

為榮

當作濮

陽公賀幽州破奚寇表

箋此王茂元帥陳許時作也案

鄭亞於宣宗大中元年二月以給事中出刺桂州英華作榮陽公誤新書會昌二年九月以張仲武為幽州盧龍軍節度使檢校工部尚書會回鶻特勒那頡吸擁赤心部七千帳逼漁陽仲

武使其弟仲至與別將游奉寰等率銳兵三萬破之獲馬索駝旗纛不勝計遣吏獻捷進檢校兵部尚書舊書奚國蓋匈奴之別種也居鮮卑故地在京師東北四千餘里東接契丹西至突厥南拒白狼河北至雷國勝兵三萬餘人分為五部每部置候斤一人

臣某言臣得本道進奏官某狀報某月日幽州節度使張仲武奏破奚北部落及諸山奚除舊奚王匿耶所管外殺戮首領丁壯老幼并殺戮羊牛焚燒車帳器械等計二十萬刺史已下面皮一百具

史記刺客傳聶政因自皮面決眼索隱皮

面謂以刀剥其面皮欲令人不識晉朱伺傳馬雋妻子先在壘內或請皮其面以示之伺曰殺其妻子未能解

園但益其怒耳北史齊後主紀或殺人剥面皮而視之

耳二百隻

詩傳馘獲也不服者殺而獻其

左耳曰馘

奚車五百乘羊一萬口牛一千五百頭者天聲遠

疊

班固封燕然山銘振大漢之天聲

廟略遐宣

晉羊祜傳詔曰外揚王化內經廟畧

白虜

獲于寧臺

晉符堅傳秦人呼鮮卑為白虜戰國策樂毅報燕昭王書曰齊器設於寧臺

赤夷

俘於燕路

杜氏通典東夷九種有黃夷白夷赤夷玄夷孔融書士將高翔遠引莫有北首燕路者矣

臣某

中賀

臣竊窺舊史逖聽前朝

司馬相如封禪文逖聽者風聲

有天

子憂邊清宵輟寐

漢文帝紀詔曰間者累年匈奴並暴邊境多殺吏民今朕夙興夜寐勤勞

天下憂苦萬民為之惻但不安

將軍出塞白首言歸

後漢班超傳超妹昭上書請超曰超

今且七十衰老被病頭髮無黑敢觸死句超餘年書至
奏徵超還超在西域三十一年至洛陽病遂加卒

乃或勝或奔一彼一此

左傳趙孟曰疆場之事一彼一此何常之有

竟困塞

郊之柝那停絕漠之烽

漢與幕同漢武帝紀衛青復將六將軍絕幕注臣瓚曰沙土日

幕直度曰絕師古曰幕者即今之突厥中磧耳李陵歌

云經萬里兮度沙漠賈誼傳注師古曰晝則燔燧夜則

舉烽詳見下為

猶欲叙烈旂常告功祧廟

禮記王立七廟遠廟為祧

中丞賽神文

用其甃勝謂曰難能况幽朔巨都

書宅朔方曰幽都

全燕重地

晉石勒傳勒使徐光讓王浚曰跨全燕突騎之鄉

薦臻奚冠猾亂華人田讓之

護鮮卑莫能深入

魏田豫傳豫字國讓漁陽雍奴人也文帝初使豫持節護烏桓校尉牽招

解雋并護鮮卑為校尉九年其御史狄恒推抑兼并乖
散強僭○按唐初脩前代之史凡犯廟諱者一名則稱

其字劉淵曰劉元海石虎曰石季龍是也二名則去其

一蕭淵明曰蕭明韓擒虎曰韓擒是也義山為文亦遵

其式代宗諱豫故此表以田豫為田讓稱字之例也孝

敬皇帝諱弘故會昌一品集序以周弘正為周正去一

之例也苟非有為而然則古人祭彤之軍遼水惟遣相

之名固未可任意為翦截矣

攻後漢祭彤傳彤拜遼東太守以三虜連和卒為邊害

乃招呼鮮卑其大都護偏何遣使奉獻彤曰審欲立

功當歸擊匈奴其後歲歲相攻輒近歲以來為患滋甚

送首級受賞賜自是邊無寇警

走單于偵邏之路見謝懷駒支漏泄之姦左傳晉將執

宣子親數諸朝曰來姜戎氏今諸侯之事我張仲武重

寡君不如昔者蓋言語漏泄則職汝之由

感國恩習知邊事

箋新書張仲武范陽人會昌初為雄武軍使遣其屬吳仲舒入朝請以本

軍擊回鶻李德裕因問北方事仲舒曰仲武通書習戎事乃擢兵馬留後而詔撫王領節度即拜副大使同

三師而肄楚

左傳吳子問于伍員曰伐楚如何對曰若為三師以肄焉一師至彼必皆出彼出則

歸彼歸則出楚必道敝

侔五餌以間戎

漢賈誼傳贊曰欲試屬國施五餌三表以係單于注

師古曰賈誼書賜之盛服車乘以壞其目賜之盛食珍味以壞其口賜之音樂婦人以壞其耳賜之高堂邃宇倉庫奴婢以壞其腹於來降者上以召幸之相娛樂親酌而手食之以壞其心此五餌也乘其踴情

之時俄得翦除之便

晉袁宏傳贊曰翦除荆棘

燕犀密掛

周禮考工記曰函人

為甲犀甲七屬壽百年又曰燕之無函也非無函也夫人而能為函也徐陵與王僧辨書躍冀馬者千羣披燕

犀者萬隊冀馬潛羈

左傳冀之北土馬之所生後漢劉表傳贊曰雲屯冀馬

超距投石

者動過千羣

史記秦王剪擊荆荆兵數挑戰終不出久之翦使人問軍中戲乎對曰方投石超距

翦曰士卒

可用矣 戟手科頭者畧踰萬計

張衡西京賦袒裼戟手奎踰盤桓善曰左

傳云戟其手也史記張儀說韓王曰虎賁之士跣跣科

頭貫頤奮戟者至不可勝計集解科頭謂不著兜鍪入

敵索隱兩手捧頤而直入敵又有執戟者奮怒

坎三鼓

而趨入陣也徐陵九

錫文他他籍籍萬計千羣

而河流自却

詩坎其擊鼓左傳曹劌曰夫戰勇氣也一鼓作氣再而衰三而竭彼竭吾盈故克之

淮南子武王渡孟津而陽侯之波逆流而擊疾風晦暝武王舉黃鉞麾之風去而浪息遂得渡

聲六校

而屋瓦皆飛

漢陳湯傳即日引軍分行別為六校史記趙世家秦軍軍武安西鼓譟勒兵武安屋

瓦盡振後漢光武紀莽兵大潰走者相騰踐會大雷風屋瓦皆飛

自是鴉懼喪林

詩翩彼飛

鴉集于泮林

免忙迷穴

戰國策馮煖曰狡兔有三窟僅得免其死耳

無舟掬指

左傳

邲之戰中軍下軍爭舟舟中之指可掬也

有地僵尸

張衡西京賦尸僵路隅

未驚紫陌

之烏前軍已感

御覽引北史齊世辨性怯武平末為開封府帥入鄴令千餘騎登高阜西望遠

見羣鳥飛起謂是兩京旗幟即馳還比至紫陌橋不敢返顧詳下啓

不啖淮山之鶴後隊

仍窮

淮山謂八公山晉謝玄傳苻堅進屯壽陽列陣臨肥水玄以精銳八千決戰肥水南堅中流矢臨陣

斬苻融載記苻堅與苻融北望八公山上草木皆類人形寰宇記八公山一名肥陵山在壽州壽春縣詳見下

文

遂分袁尚之頭顱

後漢書袁尚與操軍戰敗奔公孫康于遼東康曰卿頭顱方行萬里

遂斬首送之

仍裂蚩尤之肩髀

史記集解皇覽曰蚩尤冢在東平郡壽張縣闕鄉城中高

七丈民常十月祀之有赤氣出如匹絳帛民名蚩尤旗肩髀冢在山陽郡鉅野縣重聚大小與闕冢等傳言黃帝與蚩尤戰於涿鹿之野黃帝殺之身體異處故別葬之

穹廬落燼

漢匈奴傳匈奴父子同穹廬卧

同甲揚灰

管子同甲十萬注同甲謂完堅齊等

山積雲屯大收其車乘

後漢

劉盆子傳赤眉降積兵甲宜陽城西與熊耳山等

角羸耳濕盡獲其牛羊

易羸羊觸

藩羸其角詩爾牛來思其耳濕濕

柳水載澄

柳水未詳按新書地理志營州柳城縣西北接奚北

接契丹柳水疑當在縣界水經注白狼水又東北逕龍山西燕慕容晃以柳城之北龍山之南福地也

桑

河無事

水經注濕水出鴈門陰館縣東北過代郡桑乾縣南又東北流左會桑乾水並受通溝又東過

涿鹿縣北又東南出山過廣陽薊縣北又東至漁陽雍奴縣西入筍溝明一統志盧溝河在順天府西南本桑

乾河俗呼渾河亦曰爰施吉語漢陳湯傳湯知烏孫瓦小黃河以流濁故也合不能久攻屈指計其

日曰不出五日當有吉語入解皇威潘岳西征賦兵此聞居四日軍書到言已解舉而皇威暢

皆皇帝陛下功格上玄揚雄甘泉賦惟漢運膺下武詩

武惟授茲成算隋柳或傳表曰俱於彼當仁見論震肅周稟成算非專已能

九圍詩帝命式歡呼萬國昔艱難云始胡塵首起於盧

龍謂祿山之變魏田時傳舊北平郡治在平岡道出盧

平府治是也今開泰有期晉顧榮傳上牋曰羣漢將先清於

涿鹿

史記黃帝與蚩尤戰于涿鹿之野注張晏曰涿鹿在上谷按漢志上谷郡有涿鹿縣應劭以為黃帝

與蚩尤戰於此上谷今為直隸宣化府故宣府鎮地也

人謀允若

易人謀鬼謀書帝曰俞允若茲

靈貺昭然

後漢光武紀贊曰靈貺自甄

固已上慶祖宗下光編策錄

圖洪範競三古之殊尤

河圖挺佐輔黃帝至於翠嬌之川魚汎白圖蘭葉朱文以授黃

帝名曰錄圖書天乃錫禹洪範九疇彝倫攸叙漢書藝文志世歷三古司馬相如封禪文未有殊尤絕跡可考

于今者也王檢金泥有百神之靈祐

漢武帝紀登封泰山注孟康曰刻石紀號有金

策石函金泥王檢之封焉後漢王霸傳霸謝曰此明公至德神靈之祐也

臣雖當防遏不介

邊陲空增氣於懦夫實叨榮于下將日圍千里

北堂書鈔春秋

元命苞曰日徑千里徐整長

天蓋九重

宋玉大言賦方地為車圓天為

蓋楚辭天問曰圜

則九重孰營度之

奉一月之捷書唯知扑蹈

詩一月

獻

萬年之壽酒尚隔班行

史記高祖紀九年大朝諸侯羣臣置酒未央前殿高祖奉玉卮

起為太上皇壽殿

念風水于遐藩

南史宋武帝紀因風水之勢晉四夷傳云

視熊謂使者曰迎天子

寄夢寐于宣室

漢賈誼傳文帝思誼徵之及入

見上方受

釐坐宣室

無任望闕結戀之至

為河南盧尹賀上尊號表

原注武宗○雙舊書武宗紀會昌五年春正月

已酉朔宰臣李德裕杜悰李讓夷崔鉉太常卿孫簡等率文武百寮上徽號曰仁聖文武章天

成功神德明道皇帝新書明道下有太孝二字
此表亦有之蓋舊書傳寫者之遺脫耳京兆河

南太原各置尹

一員從三品

臣某言臣得本道進奏院狀知宰臣某等奉上尊號以

光洪休耀列聖之睿圖

顏延之詩睿圖炳睥隋薛道衡傳高祖文皇帝頌曰尚想獻圖

表三宮之慈

集作義

訓

晉后紀傳詔曰朕少遭憫凶慈訓無稟

凡在生物孰

不歡心臣某

中賀

臣聞善言天者必推功于廣覆善言

日者必詠德于大明然後物仰玄穹

晉載記胡義周作頌曰仁被蒼生德

格玄

人知景曜

後漢鄧后紀劉毅上書曰數宣景曜勒勲金石

皇王擬象今古

同規伏惟仁聖文武章天成功神德明道大孝皇帝陛

下體天垂蔭法日流

英華作輪

輝弘上德以纘戎

老子以德不德是以

有德詩纘戎祖考

啓下武而膺運頃從臨御旋致治平雨塊風

條時推順適

西京雜記董仲舒云太平之時雨不破塊風不搖條開甲破萌而已

苗螟葉

蟥生致銷亡

詩去其螟螣及其蝱賊傳食心曰螟食葉曰螣食根曰蝱食節曰賊陸氏釋文螣字

亦作蚤徒得反說文作蟥

是以銀甕石碑

見下為汝南公表

非煙浪井

史記若煙

非煙若雲非雲郁郁紛紛蕭索輪囷是謂卿雲瑞應圖王者清淨則浪井出

神而告瑞史不

絕書

左傳女叔侯曰史不絕書府無虛月

且獫鬻為災

漢匈奴傳唐虞以上有山戎獫允薰

幣居于北邊

周秦之策

見為濮陽公表

金行火運不絕于侵陵

晉書董養

曰白者金色國之行也漢高帝紀注臣瓚曰漢承堯緒為大德

瀚海陰山幾渝於約誓

漢匈奴傳驃騎封于狼居胥山禪姑行臨瀚海而還又郎中侯應曰北邊塞至遼東外有陰山東西千餘里是

其苑而敢乘哀運來犯昌朝陛下乃赫以天威

詩王赫斯怒左

傳天威不違顏咫尺

授之宏畧

晉應詹傳疏曰頃者天事之後遐邇皆想宏畧

一伐而單

于僅免三鼓而貴主來還滅大邦之仇讐

詩蠢爾蠻荆大邦為仇

攄累聖之忿憤

班固封燕然山銘將上以攄高文之宿憤○箋舊書武宗紀會昌元年八月回

鶻烏介可汗遣使告難言本國為黠戛斯所攻故可汗死今部人推為可汗緣本國破散今奉太和公主南投

大國時烏介至塞上大首領盟沒斯與赤心宰相相攻殺赤心率其部下數千帳遁西域天德防禦使田牟以聞烏介又領其相頡于迦斯上表借天德城以安公主仍乞糧儲牛羊供給金吾大將軍王會宗正少卿李師偃往其牙宣慰令放公主入朝賑粟二萬碩三年二月劉沔奏昨率諸道之師至大同軍遣石雄襲回鶻牙帳雄大敗回鶻于殺胡山烏介可汗被創而走已迎得太和公主至雲州是日御宣政殿百寮稱賀及晉

陽逐帥代馬新羈

後漢班超傳疏曰代馬依風

陛下又濬發宸襟委

諸廟畫浹辰而前軍就路

左傳浹辰之間注浹十二日也

逾月而元惡

膏礎

礎本作搢史記范雎曰臣之胃不足以當搢質要不足以待斧鉞索隱搢音陟林反莖搢也按搢音

斟俗從石作礎腰斬者以搢為藉以鈇斫之如剗草然故陳餘遺章即書云身伏鈇質質或作鎖

靜豐

沛之遺疆

漢高帝紀豐沛邑中陽里人也

舉唐堯之故俗

詩序此晉也而謂之唐本

其風俗憂深思遠儉而用禮乃有堯之遺風焉按晉陽

本唐堯所封高祖襲封唐國公由太原起義兵而有天

下故云。箋舊書武宗紀會昌三年討劉稹十二月橫

水軍至太原便惟上路軍人以歲將除欲候過歲期既

速軍情不悅都頭楊弁乘士卒流怨激之為亂四年春

正月乙酉朔楊弁逐太原節度使李石壬子河東監軍

使呂義忠收復太原生擒楊

弁盡斬其亂卒百寮稱賀

蕞爾潞子

謂劉從諫左傳子產曰抑諺曰

蕞爾國而三世執其政柄

復生孽童

謂劉稹

脫縲冀恩

上表

按潞州本春秋潞子國

請授
鉞止柅拒詔

拒旨不護喪歸洛

據九折之險

漢地理志上黨壺關縣有羊腸

坂呂氏春秋九山有大行羊腸高誘曰羊腸其山

盤紆如羊腸在太原晉陽地焦氏易林羊腸九縈有五

州之人

舊書地理志昭義軍節度使治潞州領潞澤邢洺磁五州

數澤逋逃

書為天下逋逃

主萃

冀土租稅

後漢袁紹傳輕榮財于冀土

陛下又遠揚神斷深詔

徂征

書帝曰咨禹惟時有苗弗率汝徂征

合鎮魏之強藩

謂成德王元逵魏博何弘敬

出韓彭之銳將

謂劉沔王茂元等後漢謝該傳韓彭之將征討亂暴

夷其巢窟

晉謝

玄傳疏曰

去彼根株

漢趙廣漢傳郡中盜賊閭里輕俠其根株窟穴所在及吏受取請鉅

巢窟宜除

兩之奸皆知之戰國策張儀說秦王

清明皇之舊宮

舊書

曰削株掘根無與禍鄰禍乃不存

玄宗紀景龍二年兼潞州別駕開元十一年

復金橋之

幸并州潞州五年別改其舊宅為飛龍宮

故地

玉海地志金橋在上黨南二里常有童謠云聖人執節度金橋景龍三年十月二十五日玄宗經此

橋師之曾非曠歲集此丕功箋舊書會昌三年四月昭義

諫姪稹為兵馬留後上表請節鉞尋遣使齎詔潞府令

稹護從諫之喪歸洛陽稹拒朝旨劉稹傳詔以成德王

元逵魏博何弘敬為招討使與河東劉沔河陽王茂元

合兵討之四年七月大將郭誼斬稹傳首京師地理志

成德軍節度使治恒州領恒趙冀深四州魏博節度使

治魏州管魏貝博相澶衛六州河東節度使治太原府

管汾遼沁嵐石忻憲等州固已至化潛融事光于玉版徐陵碑皇帝

致玉版于河宗詳見下文玄機獨運晉慕容垂傳堅理溢于瑤編况

又志切希夷老子視之不見名之曰希夷聽之不聞名之曰希道存冲漠揚子太

無慕遺蹤于姑射載動堯心思順請于崆峒欲勞軒拜

莊子堯見四子藐姑射之山汾水之陽窅然喪其天下
又黃帝聞廣成子在于崆峒之上故往見之黃帝順下

風膝行而進再

拜稽首而問

遠推

聖祖載佇神孫

新書天寶二年加號玄元

皇帝曰大聖祖享于玄元宮追號大聖祖父周上御大

夫敬曰先天太皇咎繇曰德明皇帝涼武昭王曰興聖

皇帝改西京玄元宮曰

太清宮東京曰太微宮 俾異法皆祛多門就掩麟殿正

玄元之座

舊書文宗紀上降誕日僧徒道士講論于麟
德殿上謂宰臣曰降誕日設齋起自近遠朕

緣相承已久未可便革按舊時釋居道上

鳳書招黃老之

上今武宗去釋氏故玄元得正其位

徒 陸贄鄴中記石虎詔書以五色紙銜木鳳皇口中飛
下端門舊書武宗紀會昌元年三月造靈符應聖院

于龍首池六月以衡山道士劉玄靖為銀青光祿大夫

充崇玄館學士賜號廣成先生令與道士趙歸真於禁

中修法錄。箋舊書武宗紀。會昌四年三月。以道士趙
歸真為左右街道門教授。先生時。帝志學神仙。師歸真。
歸真乘寵。每對排毀釋氏言。非中國之教。靈耗生靈。盡
宜除去。帝頗信之。七月。澤潞平。五年春正月。己酉朔。勅
造望僊臺於南郊壇趙歸真。遂與道士鄧元起。劉玄靖
排毀釋氏。而拆寺之請行焉。凡天下所拆寺四千六百
餘所。還俗僧尼二十六萬五百人。收充兩稅戶。拆招提
蘭若四萬餘所。收膏腴上田數千萬頃。收奴婢為兩稅
戶十五萬人。隸僧尼屬主客。顯明外國之教。勒大秦穆
護祇二千餘人。還俗不雜中華之風。按祇虛焉。切讀若
軒胡神名也。將以休有萬靈。臨茲兆衆。使咸踐壽昌之域。俱

游富庶之鄉。巍乎煥乎盛矣。美矣故得人祇協。欲華夏

均懷願加尊顯之稱。

說苑無以尊顯吾親

以報財成之美。

易后以財成天

地之宰臣等果能陳大義允建一作進鴻名相如封禪文前聖所以永

保鴻名而

伊尹暨湯咸有一德

書惟尹躬暨湯咸有一德

咎繇謨禹

常為稱首

克纘九功

漢百官公卿表咎繇作士師古曰咎音皋繇音弋昭反書九功惟叙

述盡善于

王猷

詩王猷允塞

標具美于帝錄

陸機漢高祖功臣頌沈跡中卿飛名帝錄

南山

稱壽

詩如南山之壽不騫不崩漢武帝紀元封元年詔曰親登嵩高咸聞呼萬歲者三又太始三年登之

果浮大海

北辰降光

初學記荊州星占曰北辰一名天關一名北極北極者紫宮天座也

漢郊祀歌體招搖若永望星留俞塞隕光師古曰俞永

答也言衆星留神答我饗薦降其光耀四面充塞也

終

一作誤

無極之年

汲冢周書道天莫如無極

長奉上清之號

初學記上清三

天君列紀經曰上清真人
姓桓字芝乃中皇時人也

臣幸丁昌運方守洛京空深

戀闕之誠不在稱觴之列舉頭見日雖悲千里之遙側

管窺天且慶百年之幸

莊子以管窺天以錐指地東方
朔答客難以管窺天以蠡測海

無任徘徊望闕蹈舞踴躍之至

代安平公華州賀聖躬痊復表

原注文宗○箋舊
書文宗紀太和七

年十二月辛望春宮聖體不康八年正月癸丑
朔丁巳聖體痊平御太和殿見內臣甲子御紫

宸殿見

羣臣

臣某言今月某日得本道進奏院報以聖躬痊和右僕

射平章事臣涯等

王涯字廣津太原人貞元八年進士擢第登宏辭科李訓事

敗斬獨柳下

奉見聖躬訖社稷殊祥生靈大慶臣忝分朝寄

四奉國恩無任抃舞踴躍之至臣聞天普覆也應運而

健若龍行

易天行健

日至明焉有時而氣如虹貫

戰國策白虹貫日

伏惟皇帝陛下道超普覆迹邁至明思社稷

集作宗社

之靈

惟德是輔

書皇天無親惟德是輔

念蒸黎之廣以位為憂

見為安平公表

求衣未明

漢鄒陽傳孝文皇帝據關入立寒心銷志未明求衣

觀書乙夜

顏延之五君詠

觀書鄙章句北堂書鈔引東觀漢記茲者甲夜讀書乙夜講經。箋通鑑唐文宗嘗謂左右曰若不甲夜視事

乙夜觀書何
以為人君

壽域既臻于躋俗

漢王吉傳疏曰歐一世之民躋之仁壽之域

大庭微闕于怡神

漢嚴助傳南越王願伏北闕望大庭以報盛德後漢李膺傳荀爽書曰願

怡神無事
偃息衡門

是以自北陸送寒

左傳申豐曰古者日在北陸而藏冰

整停禹

會

見為汝
南公表

及東郊迎氣

禮記立春之日天子親帥三公九卿諸侯大夫以迎春于東郊

後漢章帝紀始
行月令迎氣樂

爰復堯咨

書堯典帝曰咨汝羲暨和又曰咨四岳

四海方

來百辟咸在六幽雷動

見為汝
南公表

萬壽山呼

漢書武帝在嵩山聞呼萬

歲者

惟臣獨以一麾載離雙闕

並見前

犬馬之微誠徒切

李密陳情表臣不
勝犬馬怖懼之情

駕鴻之舊列難階

隋劉炫傳自為贊曰齊鑣驥駉比翼

鵠提郡印而通宵九驚對使符而一食三起

後漢蘇不韋傳李嵩

大驚懼乃以版藉地一夕九徙呂氏春秋禹一食而三起以禮有道之士

今幸已俗臻殷富

年比順成

禮記八蜡以記四方四方年不順成八蜡不通

伏惟稍簡萬機

書一

日萬幾

以迎百福託調燮于彼相

書惟茲三公論道經邦燮理陰陽

責綏

撫于列藩承九廟之降祥副兆人之允望臣某不勝悽悽慊慊之至謹差某奉表陳賀以聞

為汝南公賀元日御正殿受朝賀表

箋武宗會昌二年正月以

彗星既滅復御正殿舉元會之禮時周墀在華州是表與前賀彗星不見表相繼而上也

臣某言臣得本州進奏院狀報稱元日皇帝陛下御舍

元殿受朝賀者上正三辰

謂星變減除

下臨萬國

謂元正朝會

事

雖舉舊命則維新臣某

中賀

臣聞聖祖垂訓王者處域

中之尊

老子道大天大地大王者亦大域中有四大而王居其一焉

公羊紀時春者為

一歲之始

公羊傳元年春王正月元年者何君之始年也正月者何歲之始

載稽故實

抑有典章近歲以來此禮多闕或事因惜費或時屬告

休

箋按舊書文宗紀太和五年以積陰決旬罷元會六年以久雪罷開成五年上不康不受朝賀故云

伏

惟皇帝陛下道被無垠

漢賈誼傳垠

政敷有截

詩海外有截

全

取發生之德

梁元帝纂要春日青陽亦曰發生

無非訢合之仁

禮記天

蒼昊降符

爾雅春為蒼天夏為昊天

黃輿告瑞

易天玄而地黃又坤為大輿

石碑

既見文作太平

石碑未詳按魏青龍三年張掖刪丹縣有寶石負圖白畫成文晉泰始四年氏

池縣大柳谷口有玄石一所白質成文又唐武德三年卹州獻瑞石有文曰天子萬年事頗相類若吳孫皓時

歷陵石印封發其文曰四世治太平始乃皓使者所偽作亡國之事恐非所引

銀甕旋臻字成

萬歲

孝經援神契銀甕不汲自隨不盛自盈孫氏瑞應圖王者宴不及醉刑罰中則銀甕出

而又

憂勤不輟克責方深精誠旁達于八紘

淮南子八紘之氣是出寒暑八

紘之外乃有八極之雲是雨天下

懇惻上通于九廟

見前

仙廚撤味

漢武

內傳上元夫人老君弟子也元封元年七月七日夜西王母降命侍女郭密香邀夫人同宴俄而夫人至夫人

設厨厨獸館休畋揚雄長揚賦序上將誇胡人以多禽獸載以檻車輸長揚射熊館雄從至

射熊館還上長揚賦以諷遂使化妖宿為壽星漢書音義妖星曰孛星彗星長星亦曰攬

搶爾雅云壽星角亢也變小饑為酺飲穀梁傳二穀不升謂之饑漢文帝紀酺五日師古曰

酺之為言布也王德布于天下合而聚飲食為酺慶由聖感令屬神行爰在新

正式脩闕典彤庭列位西都賦玉除彤庭丹陛陳儀凝旒而

天啓其門大戴禮古者冕而前旒所以蔽明也漢郊祀歌天門開誅蕩蕩服袞而日昇

于觀周禮享先王則袞冕注袞卷龍衣也日觀注見前翼風發越易隨風巽君子以申命行

事解澤滂沱

易雷雨作解君子以赦過宥罪詩月離于畢俾滂沱矣

左右賢臣駿

奔多士

詩實左右商王又濟濟多士秉文之德對越在天駿奔走在廟

國無諛佞擢靈

艸而不搖

帝王世紀黃帝時有草生于庭倭人入則指之名曰屈軼

朝絕姦邪儼神

羊而莫動

說文獬廌神奇之獸一名任法狀如羊古者決訟令之以觸不直後漢輿服志獬廌神羊

也論衡獬廌一角羊也青色四足能知曲直獄疑者令羊觸之

禮成而退物有其容

左傳

屠廟曰事有其物物有其容

足以光耀瑤圖

徐陵檄周文主上恭膺寶歷嗣奉瑤圖

丹

青玉版

王子年拾遺記堯聖德光洽河洛之濱得玉版方尺圖天地之形

耀前映後邁

五登三

見賀表

臣竊訪碩儒

吳志華嚴傳皆名學碩儒乃任其職

遠徵舊典

帝堯華封之祝惟止匹夫神禹塗山之儀且非元會然

猶堯有多憂之戒

並見前

禹存後至之誅

家語孔子曰昔禹致諸侯于會

稽之山防風氏後至禹殺儻之

在和平而尚乖孰歡呼之可致豈與茲

日而得同年臣方守河潼

文選河潼注向曰河潼二水名

正分符竹不

獲躬承玉帛首率梯航

顏延之序梯山航海踰沙軼漠之貢

況又嘗以藝

文叨居禁密雖遠離天上猶近關西抃賀空深就望無

所心馳紫闥

曹植表注心皇極結情紫闥

非夢寐而不通魂繞皇闈

傅咸詩明

美歸飛而莫及無任荷恩祝壽戀闕屏營之

至

為濮陽公論皇太子表

箋此茂元鎮涇原時上也
舊書文宗紀開成三年九

月壬戌上以皇太子慢游敗度欲廢之移太子
于少陽院殺太子宮人左右數十人冬十月庚
子太子薨于少陽院文宗二子傳莊恪太子永
文宗長子也母曰王德妃太和四年封魯王六
年冊為皇太子開成三年暴薨時傳云太子德
妃之出也晚年寵哀賢妃楊氏恩渥方深懼太
子他日不利於己故日加誣譖太子終不能自
辨明也太子既薨上意追悔因會寧殿宴小兒
緣檀有一夫在下憂其墮地若狂者上問之乃
其父也上因感泣謂左右曰朕富有天下不能
全一子遂召樂官劉楚材宮人張十十等
責之曰陷吾太子皆爾曹也立命殺之

臣某言今月某日得本道進奏院狀報今月六日宰臣

鄭某等

時鄭覃為首相

率三省官屬

新書職官志尚書省中書省門下省是為三省

入

論皇太子事者

文宗二子傳開成三年上以皇太子宴遊敗度不可教導將議廢黜特開延英

召宰臣及兩省御史臺五品已上南班四品已上官對宰臣及衆官以為儲后年小可俟改過國本至重願寬

宥御史中丞狄兼謩上前雪涕以諫詞理懇切翌日翰林學士六人洎神策六軍軍使十六人又進表陳論上

意稍解其日一更太子歸少陽院中人張克己等數十人連坐至死及剥色流竄

褫魄疆場

乞

代國仁傳論曰

馳魂輦轂

曹植表入侍輦轂

莫知本末伏用驚

惶臣某

中謝

臣聞禮贊元良

禮記一人元良萬邦以貞世子之謂也

易標

明兩

易明兩作離大人以繼明照于四方

是司七鬯

易不喪七鬯

以奉宗祧

周禮

小宗伯辨廟祧之昭穆左傳叔向日寡君敢拜齊君之安我先君之宗祧也

華夏式瞻邦家

大本

漢叔孫通傳通曰太子天下本一搖天下震動

自昔質文或異步驟雖

殊

後漢崔寔傳步驟之差各有云設

既立之以賢則輔之有道北宮養

德

梁簡文帝答徐摛書山濤有言東宮養德而已

東序承榮

禮記文王世子曰始立學者既興器

立幣然後釋菜

務近正人

漢賈誼傳太子廼生而見正乃退儼于東序

皆正用光繼體

穀梁傳承明繼體則守文之君也史記外戚世家自古繼體守成之君

周

則周公為太傅太公為太師

漢賈誼傳昔者成王幼在襁抱之中召公為太保周

公為太傅太
公為太師

漢則疏氏二賢

漢書地節三年立皇太子疏廣為太傅兄子受為少

傳其後乞骸骨歸道路

商山四老

史記高祖欲易太子及宴置酒太子侍東

觀者曰賢哉二大夫

園公角里先生綺里季夏黃公從太子年皆八十餘鬚眉皓白上大驚曰煩公等卒調護太子

內揚孝

道外盡忠規猶在去彼嫌猜辨其疑似不由微細輕致

動搖乃得守三十代之丕圖

左傳成王定鼎於郊鄒

延

四百年之景祚

後漢書獻帝紀贊曰終我四百永作虞賓張衡傳衡謂崔瑗曰吾觀太玄方知

子雲妙極道數漢家得天下二百歲之書也復二百歲始將終乎所以作者之數必顯一世常然之符也漢四百歲玄其興矣注子雲當哀帝時著太玄經自漢初至哀帝二百歲自中興至獻帝一百八十九年也

著

于史冊煥若丹青

揚子法言聖人之言明若丹青也

伏惟皇帝陛下道

冠百王功高三古事窺化本謀動機先皇太子自正位

春坊

新書百官志左春坊左庶子二人正四品

傳輝望苑

漢武五子傳戾太子據元狩元年立

為皇太子及冠上乃為立博望苑使通賓客

陛下旁延雋乂

晉張華傳劉卞曰東宮俊乂如

林以贊溫文

禮記三王教世子必以禮樂是故其成也懌恭敬而溫文

並學探淵源

班固典引與之斟酌道德之淵源

氣壓浮競

晉賈充傳浮競之徒莫不盡禮事之○箋文宗二子

傳上以魯王年幼思得賢傳輔導之因以戶部侍郎庾敬休守本官兼魯王傅太常卿鄭肅兼王府長史戶部

郎中李踐方兼王府司馬尋冊為太子以王起陳夷行為侍讀

嗜魚不進

賈誼新書文王使太公望

傅太子發嗜

求玦莫從

魏文帝與鍾大理書近日南陽宗惠叔稱君侯昔有美玦乃不

鮑魚公不與忽遺嘉貺益

有王褒之獻箴

初學記周王褒太子箴曰庶僚司箴敢告閤寺無

卜蘭之奏賦

魏卜蘭讚太子賦竊見所作典論及諸賦頌奉讀無倦

今縱麤乖睿

旨微嫌聖心

嫌音銜說文嫌口有所銜也史記佞幸傳太后由此嫌媽集解徐廣曰嫌與銜通

當以猶屬妙齡未加元服

儀禮令月吉辰始加元服

或攜徒御

詩徒御不

驚時縱逸游樂野夏儲亦常觀舞

山海經大樂之野夏后啓于此舞九代馬

乘兩

南皮魏副屢見飛觴

魏文帝與吳質書每念昔日南皮之游誠不可忘善曰漢

勃海郡有南皮縣

陛下睿發慈仁殷勤指教

晉宗室傳張方受其指教稍踰

規戒即震威靈雖伐木析薪必循其理

詩小弁之篇曰伐木猗矣析薪

也矣舍彼有罪予之佗矣傳伐木者猗其顛析薪者隨其理箋猗其顛者不欲妄蹈之隨其理者不欲妄挫折

之以言今王之遇太子不如伐木析薪也

而逝梁發筍亦有可虞

詩無逝我梁無發我

筍箋逝之也之人梁發人筍此必有盜魚之罪以言褒如淫色來嬖於王盜我太子母子之寵按此聯之意蓋以宜曰喻太子

抑臣又聞父之于子也有嚴訓而無責

善君之于臣也有掩惡而復錄功故得

一作能

各務日新

並從夕改

晉周處傳論曰終能克己勵精朝聞夕改李善文選注曾子曰君子朝有過夕改則與之

夕有過朝改則與之

同寘于道不傷其慈儻犯在斯須便遺天性

過當造次遽抵國章則以古以今孰為令子在朝在野

誰曰全臣虛牽復之微言

易牽復吉

失不貳之深旨

見論語

伏

惟陛下侔覆育于天地霽赫怒于雷霆

說文霽雨止也漢魏相傳相心

善其言為霽威嚴

注臣瓚曰霽止也

復許省勵宮闈早謝師傅蹈殊休于

列聖慰欽矚于兆人臣才則荒涼志惟朴駮

漢息夫躬傳肉實駮

不曉事師古

因緣代業蒙被官榮竊諸侯之土田

詩魯頌曰

駮愚也

錫之山川領大將之旗鼓

左傳張侯曰師之耳目在吾旗鼓漢韓信傳信建大將旗

土田附庸

鼓鼓行出

當車折檻

漢書薛廣德傳上欲御樓船廣德當乘輿車免冠頓首曰宜從橋詔

曰大夫冠廣德曰陛下不聽臣臣自刎以血汙車輪朱雲傳雲曰臣願賜上方斬馬劍斬佞臣一人以厲其餘

上問誰也曰安昌侯張禹上大怒御史將雲下雲攀檻檻折御史將雲去

合首他人瀝膽刺

心隋李德林傳天命論云披肝瀝膽李陵答蘇武書陵不難刺心以自明

正當今日而名

非朝籍

三輔黃圖漢宮門各有禁非侍衛通籍之臣不敢妄入

務切軍機

庾信碑軍機警

急

道阻且修佇立以泣

詩語見

龍樓獻直

漢書孝成皇帝元帝太子也上

常急召太子出龍樓門不敢絕馳道

戴逵之詞翰莫

一作茂

聞

晉書戴逵字安道性高潔

累徵為散騎常侍不至太元二十年太子太傅會稽王道子少傅王雅詹事王珣上疏曰逵年在耆老清風彌

勁東宮虛德式延事外宜加旌命以參僚侍會病卒

鳳闕拜章張儼之精誠未泯

吳錄張儼字子節以博聞多識拜大鴻臚使晉李善文選註張儼請立太子師傳表曰陛下應期順乾作主

干冒宸極

晉傅咸傳億兆顯顯戴仰宸極

無任隕涕祈恩之至謹遣某

官某奉表陳論以聞

代僕射濮陽公遺表

箋新書王茂元自陳許節度徙河陽討劉稹也李德裕以

茂元兵寡詔王宰領陳許合義成兵援之以河陰所貯兵械內庫甲弓矢陌刀賜之會病以宰兼河陽行營攻討使卒贈司徒謚曰威舊書會昌中河北諸軍討劉稹茂元亦以本軍屯天井賊未平而卒

臣某言臣聞螻蟻知雨雖通感于玄天

東觀漢記永平五年少雨上御

雲臺自以易林占之其繇曰蟻封穴
戶大雨將至莊子鴻濛曰玄天弗成
蒲柳望秋必凋華

于厚夜

晉顧悅之傳悅之與簡文同年而髮早白帝問其故對曰蒲柳常質望秋先零左傳楚子曰惟

是春秋寃窆之事注寃厚也
窆夜也厚夜長夜謂埋葬也

況臣攝生寡要

老子善攝生者陸行

不遇兇虎入軍不避甲兵兇無所投其角虎無
所措其爪兵無所容其刃夫何故以其無死也

將命無

方寒暑頓侵精神坐竭竈乏傳薪之火

莊子指窮於為薪火傳也不知

其盡也

餘焰幾何隙無留影之駒

莊子人生天地之間若白駒之過隙

殘光

即盡

徐陵書殘光炯炯慮在昏明

叩心戀闕

後漢耿弇傳元元叩心更思莽朝江淹書昔者

賤臣叩心飛霜擊于燕地曹植詩顧瞻戀城闕

忍死

集作命

封章

晉宣帝紀天子執帝手目齊王

曰以後事相託死乃復可忍吾忍死待君

叫白日而不回

楚辭去白日之昭昭襲長夜之悠悠

望青天而永訣

江淹別賦詎能摹斲離之狀寫永訣之情者乎

臣某

中謝

臣雖

忝望族

南史王僧辯傳時有安成望族劉敬躬者

本實將家

晉載記石弘字大雅勒之第二

子也勒謂徐光曰大雅惛惛殊不似將家子

自先臣出揔郊圻遇大國靜無

師旅被服元化翱翔盛時遂與季弟參元

柳宗元賀王參元失火書

僕自貞元十五年見足下之文章蓄之者蓋六七年

俱以詞場就貢久而不調因

以上書自薦求通干時預試

蜀來敏傳議論干時

芸香作吏

見為安平

公始筮仕于德宗

左傳畢萬筮仕于晉

瑞節臨戎

周語為摯幣瑞節以鎮之

復

分憂于陛下雖性分有限而忠誠不移

一作唐

固無韓彭

為將之能

見為河

實慕趙竇散財之義

魏書公令曰昔趙奢竇嬰之為

將也受賜千金一朝散之

兩踰嶺嶠四建牙旗

東京賦牙旗續

故能濟成大功永世流聲

紛薛綜曰牙旗者將軍之旌古者天子出建大牙旗竿

上以象牙飾之按四建牙旗謂嶺南涇原陳許河陽也

約已潔身

後漢書應奉傳曾祖父順為河南尹將作大匠公廉約已明達政事皇甫規傳李膺王暢

孔翊潔絕甘分少

司馬遷報任安書李陵素與士大夫絕甘分少能得人死力

良田

五頃

南史王悅之傳上以其廉介賜良田五頃以為侍中

慮莫及于子孫厚祿萬

鍾

後漢鄭炎傳作詩曰終居天下宰食此萬鍾祿

惠頗霑于賓客恭承詔命以

守藩條而掌事者徒以元和中呂元膺留守東都李師

古當作道下同潛謀洛邑託以郡邸入之甲兵臣當時為元

膺賓僚值師古竊發藍衫不脫竹簡仍持因為麾兵虜

其元帥並見陳情表遂以將材相許戎統見期頡頏遐途詩頡頏

之頡頡頏纂脩舊服書纘禹舊服光陰荏苒潘岳悼亡詩荏苒冬春謝梁簡文帝詩常

惜光陰移遷授頻仍漢孝成帝紀詔曰大異重仍師古曰仍頻也昨者分領許昌

兼臨河內當上黨阻兵之始左傳衆仲曰阻兵無衆是孽童拒詔

之初箋舊書昭義節度等使劉從諫會昌三年卒大將郭誼等用其姪稹權領軍務宰相李德裕奏請稹

護喪歸洛
鎮竟叛

臣方將奮勵疲駕

司馬遷書僕雖疲駕亦常側聞長者之遺風矣

指

揮精銳

漢陳平傳天下指揮即定矣潘岳關中詩爰整精銳

所冀解鞍赤狄

謂潞州顏

延之詩嚴駕越風

息駕晉城

謂太原新書澤州高平郡領晉城縣

大攘蜂

寒解鞍犯霜露

蠶之羣

左傳臧文仲曰君無謂邾小蜂蠶有毒而況國乎

以雪人神之憤

晉虞惺傳

王敦搆逆人神所忿疾

自前月某日後軍聲大振賊勢少衰人一

其心

書爾尚一乃心力其克有勲

士百其勇

南史韋睿傳人百其勇

驚領有相

曾無定遠之期

後漢班超傳相者指曰生燕頤虎頭飛而食肉此萬里侯相也

馬草裏

尸實負伏波之願

見下文

而精誠靡著素心

集作志望

見違援

桴之意方堅

桴通作枹左傳卻克左并轡右援枹而鼓馬逸不能止

就木之期俄

及

左傳季隗曰吾二十五年矣又如星而嫁則就木焉

忽自今月某日疾生腹臍

弊及筋骸藥劑之攻擊愈深神祇之禱祠無益

顏延之陶徵士

詩藥劑弗嘗

固已騰名鬼錄

魏文帝書觀其姓名已為鬼錄

收氣人寰

禱祠非益

漢五行志聖人為之宗廟以收魂

復然無望于死灰

漢

氣鮑昭舞鶴賦歸人寰之喧卑

安國傳獄吏田甲辱安國

更起難同于仆樹

漢昭帝紀元鳳三年

安國曰死灰獨不復然乎

春上林有柳樹

然臣素窺長者曾慕達人

左傳聖人有明德者若不

枯僵自起生

當世其後

省知變化之端

易知變化之道者 麤識死生

必有達人

之理

易原始反終故知死生之說

豈其有貪富貴敢冀長延但以未

報國恩未誅賊黨視胄長免

左傳葉公免胄而進

對弓莫彎

孟子越人

關弓而射之

思犬馬以自悲

漢趙充國傳犬馬之齒七十六為明詔填溝壑死骨

關與彎同

不朽悼鐘漏之先迫

魏志田豫答司馬宣王曰年過七十而居位譬猶鐘鳴漏盡而夜行不休也

志有所在傷如之何撫節而乏淚以流

劉琨扶風歌淚下如流泉

伏

殲而無血可略

晉語鐵之戰趙簡子曰鄭人擊我吾伏殲略血鼓音不衰注面汚血曰略

臣

某

中謝

其行營三軍已舉牒差某官某河陽留務差某

官某懷州留務差某官某訖並皆授之方略

漢趙充國傳願馳至

金城圖

各有司存

見論語

至於

集作竊計

旬日

晉書阮籍傳

旬日而還

必

無逗撓

漢書廷尉王恢逗撓當斬注逗曲行避敵也撓顧望也

臣又伏思任司農

大卿之日授忠武統帥之時紫殿承恩彤庭入對

漢成帝紀

永始四年春正月行幸甘泉郊泰時祥光降集紫殿謝朓直中書省詩紫殿肅陰陰彤庭赫弘敞

躬瞻

堯日親沐舜風

並見前

獲睹陛下神武之姿

易古之聰明睿智神武而

不殺者夫

獲聞陛下憂勤之旨即北蕃小寇

謂回鶻

東土微妖

一作戎謂劉楨

亦何足煩陛下之甲兵汙陛下之鈇鑕

見為河南盧尹表

伏願時推明畧

魏志武帝紀評曰惟其明畧最優也

光闡睿圖

見為河南表

內

則收德裕

李德裕見太尉衛公序

讓夷

李讓夷舊書李讓夷字達心隴西人德裕秉政歷中

書侍郎同

紳李紳舊書李紳字公垂潤州無錫人本山

平章事

紳

東著姓會昌元年守僕射平章事復出為

淮南鉉

崔鉉舊書崔元畧博陵人子鉉字台碩累遷

之

節度

戶部侍郎承旨會昌末以本官同平章事

嘉謨外則任彥佐

李彥佐舊書武宗紀會昌三年九月以徐泗節度使李彥佐為澤路西面

招討使以陳許節度使王宰充澤路南面招討使王茂

元卒王宰代總萬善之師十二月王宰奏收天井關四

年八月王宰傳檄

元達

王元達舊書王元達廷湊子也起復鎮州大都督府長史成德

首露布獻于京師

元達

起復鎮州大都督府長史成德

軍節度使詳

宰

王宰新書王晏宰後去晏獨名智興次

為河南表

宰

子也累擢邠寧慶節度使徙忠武軍宣

宗初進

之威力廓清華

少傳卒

河

劉河舊書劉河許州牙將也移北京留守詳為河南表

夏昭薦祖宗然後瘞王勒成

桓譚新論脩封泰山瘞王
岱宗東都賦封岱勒成儀

炳乎鏤金垂烈

劉峻廣絕交論聖賢鏤金版而鐫盤孟
善曰太公金匱云屈一人之下申萬人

之上武王曰

臣雖百死

後漢第五倫傳疏曰
雖遭百死不敢擇地

復何恨焉

臣精爽已虧

左傳心之精
爽是謂魂魄

言辭失次

晉王濬傳疏曰拜
表流汗言不識次

氣無復續蒙以續而莫勝

禮記喪大記曰
屬續候氣絕

口不能言飯

用貝而何益

穀梁傳貝玉曰含春秋說題辭口實曰含
象生時食也天子以珠諸侯以玉大夫以

璧士

故國

一作

千里明君萬年永捐覆載之恩長入幽

冥之路

張衡思立賦矧幽冥之可信後漢
馮衍傳歎曰修道德于幽冥之路

殘魂不昧雖

溫序之思歸

後漢書溫序為護羌校尉行部至襄武遇賊死節主簿韓遵等持尸歸歛光武憐之

賜葬洛陽城旁注長子壽為鄒平侯相夢序告之曰久客思鄉里壽上書乞骸骨歸葬帝許之乃返舊塋枯

骨有知遇杜回而必亢

見下為王侍御表

迴望昭

一作聖

代哀號

不能無任荒悷攀戀之至謹奉表代辭以聞

代彭陽公遺表

箋舊書令狐楚傳楚字殷士自言國初十八學士德棻之裔太和九

年守尚書左僕射進封彭陽郡開國公開成元年檢校左僕射興元尹充山南西道節度使二年十一月卒於鎮年七十二冊贈司空謚曰文楚疾甚召從事李商隱曰吾氣魄已殫情思俱盡然所懷未已強欲自寫聞天恐辭語乖舛子當助我成之令狐德棻傳德棻宜州華原人隋

鴻臚少卿熙之子也先居燉煌代為河西右族
今按新書宰相世系表令狐氏世居太原漢建
威將軍邁與翟義起兵討王莽兵敗死之三子
伯友文公稱皆奔燉煌伯友入龜茲文公入疏
勒稱為故吏所匿遂居效穀其後有周御正中
大夫彭陽襄公賜姓宇文氏生熙隋吏部武康
公熙曾孫元起撫寧令元起生濬上邽令濬生
崇亮昌明令崇亮生承簡太原府功曹參軍承
簡生楚相憲宗然則楚與德業雖同出於熙而
各為一派舊書云楚自言德業之裔誤也漢地
理志燉煌郡有效穀縣安定郡有彭陽縣匈奴
傳單于入朝邪蕭關遂至彭陽師古曰即今彭
原縣是其故城在今陝西平涼府鎮原縣東八
十里也周封令狐熙之父以此唐無彭陽其封
楚蓋仍其先
世之舊號耳

臣某言臣聞達士格言以生為逆旅

莊子悲夫世人直謂物逆旅耳

古

者垂訓謂死為歸人

列子晏子曰古者謂死人為歸人

苟得其終何怛

于化

莊子子來有病喘喘然將死其妻子環而泣之于犁往問之曰叱避無怛化

臣永惟際

會獲遇昇平

漢梅福傳升平可致注張晏曰民有三年之儲日升平昇與升通

鐘鼎之

勳莫彰

庾信徵調曲功烈則鐘鼎俱銘

風露之姿先盡雖無逃大數亦

有負清朝

後漢史弼傳使臣得手清朝明言其失

今則舉續陳詞對棺忍

死白日無分玄夜何長

並見前劉楨詩遺思在玄夜

淚兼血垂

說苑下蔡

威公閉門而泣三日三夜泣盡而繼以血

目與魂

一作雲

斷魂

江淹恨賦一旦斷官車晚出

臣

某

中謝

臣早緣儒學得廁人曹克紹家聲

司馬遷書李陵既生降隕

其家聲

不虧士行

詩士貳其行

詞賦貢名于宗伯書檄應聘于

諸侯東汎西浮

謝朓箋東泛三江西浮七澤

南登北走時推倚馬

學林

桓溫南征鮮卑喚袁宏倚

人或薦雄

漢揚雄傳自序云大司馬車騎將軍

王音奇其文雅薦雄待詔長楊賦序孝成帝時客有薦

雄文似相如者召雄待詔承明之庭善曰雄答劉歆書

曰雄作成都城四隅銘蜀人有揚莊者為郎誦之於成

帝以為似相如雄遂以此得見。舊書令狐楚傳家世

儒素兒童時已學屬文弱冠應進士貞元七年登第桂

管觀察使王拱愛其才以禮辟召楚以父掾太原有庭

闌之戀不應李說嚴綬鄭儋相繼鎮太原高其行義皆

辟為從事自掌書記至節度判官歷殿中侍御史楚才

思俊麗德宗好文每太原奏至能辨楚之所為頗稱之

鄭儋在鎮暴卒不及處分後事軍中諠譁將有急變中

夜十數騎持刀迫楚至軍門諸將環之令草遺表楚在

白刃之中搦管即成讀示三軍無不感泣軍情乃安自

是聲名謂徵拜右拾遺劉瑱詩隔此西掖垣

益重善曰洛陽故宮名云洛陽宮有東掖

門西詩序言之者無罪曲臺備位謂改

掖門博士漢書翼奉傳未央宮有曲臺殿漢官儀大射于曲

臺漢藝文志曲臺后蒼九篇如淳曰行禮射于曲臺后

蒼為記故名東京賦春日載陽合射辟

曰曲臺記雍明物有其容雅設業設虞宮懸金鑄鼓

鼓路鼗樹羽幢幢於見論便叨郎選謂遷禮

是備物物有其容先謂才難語部員外

郎陸機詩振衣獨長想滿步

振衣華省秋興賦獨展轉于華省歷履名曹高步

步

內庭光揚密命

晉宗室傳仰豫密命。箋新書令狐楚傳憲宗時累擢職方員外郎知制誥其

為文於牋奏制令尤善每一篇成人皆傳誦

憲宗皇帝以臣行多餘力

見論語

忠絕宅腸

漢衛綰傳上以為廉忠實無宅腸乃拜綰為河間王太傅

進無所因靜以

有立過蒙顧問

韓詩外傳周公無所顧問

深降褒稱乃于同列之中

獨許非常之拜

箋楚與皇甫鏘蕭儉同年登進士第元和九年鏘初以財賦得幸為儉楚俱入

翰林充學士遷職方郎中中書舍人皆居內職

殊恩既浹當路相排

漢京房傳為眾所排

旅翮未高

謝朓箋勸海方春旅翮先謝

孤根已動

晏子春秋魯昭公曰吾少之時內無

拂而外無輔譬之猶秋蓬也孤其根而美枝葉秋風至根且拔矣

河潼為郡盟津統師

箋元和十三年四月出為華州刺史十月為河陽懷節度使

溺以待援

見孟

痿而念

起○漢韓王信傳僕之恩歸如痿人不忘起盲者不忘視

兵唯裴度與憲宗志在殄寇李逢吉與度不協與楚相善十二年夏楚草度淮西招撫使制不合度旨度請改制內三數句憲宗方責度用兵乃罷逢吉相任亦罷楚內職守中書舍人十三年四月出為華州刺史十月皇甫鎛作相以楚為憲宗旁集作求輔相既一作記姓名

河陽懷節度使

憲宗旁

集作

求輔相既

一作

記姓名

果遣急徵

漢鮑宣傳急徵故大司馬傅喜

仍加大用

漢魏相傳丙吉予相書曰朝廷已深

知弱翁治行方且大用矣。箋元和十四年七月

戴君

之力雖弱許國之誠在茲

晉周綏傳司徒王導議札與臣等便以身許國

實有

微衷可裨玄化

曹植責躬詩
玄化旁流

况初誅背叛

謂平吳
元濟

務活

疲羸

後漢段熲傳屯結
不散人畜疲羸

方伏奏于鳳宸之前

周禮掌次
設皇卿注

謂後板屏風染羽象
鳳皇羽色以為之

忽庀徒于鳥耘之次

王中頭陀寺
碑庀徒撥日

各有司存左傳官庀其司注庀具也帝王世紀禹崩于
會稽因葬會稽山陰縣之南今山上有禹塚并祠下有
羣鳥耘田○箋新書穆宗
即位方營景陵詔楚為使

小吏抵罪

漢酷吏傳
坐法抵罪

邪臣結

謀

後漢彭寵傳會上谷太守耿
况亦以功曹冠恂詣寵結謀

指之有名嘿不得訴空

甘罪戾仰托聖明粗得生還

後漢班超傳妹昭上書
句超餘年一得生還

幾

臨死所

左傳狼曠曰吾未獲死所○箋元和十五年正
月憲宗崩詔楚為山陵使兼撰哀冊文時皇甫

鑄貶崖州物議以楚因鑄作相而逐裴度羣情共怒以蕭俛之故無敢措言其年六月山陵畢會有告楚親吏贓汙事發出為宣歙觀察使俄貶衡州刺史其後官移督護王臺新詠有宋孝武帝丁督護

歌四年不謁于承華初學記太子之門曰承華任改察廉即廉察以聲病倒用

非舉考察一日暫留于分陝見為京兆公表欲舉而墜將安更

危箋長慶元年四月量移鄂州刺史遷太子賓客分司東都二年十一月授陝州大都督府長史兼御史大

夫陝號觀察使制下旬日諫官論奏言楚所犯非輕未合居廉察之任上知之遽令追制時楚已至陝州視事

一日矣復授賓客歸東都故曰一日暫留於分陝賴敬宗皇帝纘乃不圖是思

求舊書遲任有言振于洛宅謂尹河南召誥太保朝至于洛卜宅榮彼夷

門謂鎮宣武史記信陵君傳太史公曰吾過大梁之墟求問其所謂夷門夷門者城之東門也自茲

以來敢虛其遇周旋五經鎮守惟切分憂前後兩歸闕

庭皆非久次

漢孔光傳竊見國家故事尚書以久次轉遷非有蹕絕之能不相踰越。箋按五經

鎮守宣武節度一東都留守二天平節度三河東節度四山南西道節度五也兩歸闕庭謂自宣武入為戶部

尚書自河東入為吏部尚書也拙直不同于衆讒毀每集

其躬含意未宣

古詩齊心同所願合意俱未申

救過不暇

漢酷吏傳九卿奉職救過

不伏思自長慶厥後開成之前凡幾忝遷昇幾遭退斥

若非不欺天地不負君親至于幾微尋合顛隕伏惟皇

帝陛下道超覆載仁極照臨既委鹽鐵又分端揆

晉陸華等

傳論曰迭

逮今控壓亦在重鎮

箋新書楚以吏部尚書進拜左僕射會李訓亂

居端揆

草詔以王涯賈餗冤指其罪不切仇士良等怨之始帝許相楚乃不果更用李石而以楚為鹽鐵轉運使時政在宦豎數上疏辭位

拜山南西道節度使

陛下之恩微臣何益微臣之節陞

下方知興言及斯碎首殊晚

漢杜鄴傳禽息憂國碎首不恨注應劭曰禽息秦大

夫為百里奚而不見納繆公出當車以頭擊闕

然臣從

腦乃描出繆公感悟而用百里奚秦以大治

心之年已至致政之禮宜遵

禮記大夫七十而致仕

尋欲拜章以

求歸老伏以諸道節制頻歲更移

後漢趙孝王良傳頻歲來朝

其于

送迎例多積累

漢黃霸傳霸曰數易長吏送故迎新之費及姦吏緣絕簿書盜財物公私費耗

甚多臣在此雖無一毫侵損亦無纖介

一作芥

誅求

後漢竇融傳皆

以底裏上露長無纖介左傳介于大國誅求無時

帑藏甚殷

晉范甯傳帑藏空匱

倉儲可

羨特緣行李忍過秋冬而江山之氣候難常

北史王頴傳氣候殊

不佳蒲柳之蕭哀易見

見代僕射表

自夏則膝脛無力入冬則

又集作

腸胃不調對冠冕而始訝儻來

莊子軒冕在身非性命也物之儻來

寄也指墓墳而已知息處

列子晏子曰善哉古之有死也仁者息焉

昨某日

一作

今月臣已召男國子博士緒

緒歷隨壽汝三郡刺史

左

補闕綯

緒弟綯字子直襲封彭陽男相宣宗輔政十年累官至吏部尚書右僕射進封涼國公後改封

趙國公

左武衛兵曹叅軍綯等

綯世系表作緘字識之

示以致期

戰國

策譚拾子曰事之必致者死也

遺之理命

治命見為王侍御表

使內則雍和私室

外則竭盡公家兼約其送終務遵儉約

集作所務遵儉南史到既傳臨

終勅子孫薄葬之禮

勿為從俗

韓詩外傳從俗為善漢兩龔傳勝因敕以棺斂

曰凶事必遵儉約

喪事衣周于身棺周于外勿隨俗動吾冢種栢作祠堂後漢鄭興傳興曰興從俗者也

以致慮居

禮記喪不慮居毀不危身喪不慮居為無廟也毀不危身為無後也

至某

一作至十二日

夜有僕

夫告臣云大星隕地雅當正室洞照一庭臣即端坐俟

時正辭無撓

楚卒前一日謂其子緒綯曰吾生無益于人勿請謚號葬日勿請鼓吹唯以布車

一乘餘勿加飾銘誌但志宗門秉筆者無擇高位當歿之夕有大星實于寢室之上其光燭庭楚端坐與家人告訣言已而終嗣子奉行遺旨詔鹵簿宜停易名須準舊例

臣之年亦極矣臣之榮

亦足矣以祖以父皆蒙褒寵有弟有子並列班行

新書世系

表楚弟從檢校膳部郎中舊書

楚弟定字履常桂管觀察等使

全腰領以從前人

禮記文子

曰是全要領以從先大夫于九京也

歸體魄以事先帝

禮記體魄則降

此不自達

誠為甚愚但以將掩泉局

庾信銘移燈泉局

不得重辭雲陞

謝朓

詩十載朝雲陞

更一作重

陳尸諫

家語孔子曰古之列諫者死則已矣未有如史魚死而屍諫

猶進瞽言

漢谷永傳瞽言觸忌諱

雖叫呼而不能

左傳衛侯夢于北宮見人登昆

吾之觀被髮北面而諫曰余為渾良夫叫天無辜

宣誠明之敢忘

去聲伏惟皇帝

陛下春秋鼎盛

南史孔奧傳皇太子春秋鼎盛

華夏鏡清

文選東都賦百姓滌瑕蕩

穢而鏡至清善曰淮南子鏡太清者視大明

是修教化之初當復理安之始

然自前年夏秋以來貶譴者至多誅僇者不少

新書時以甘露

事誅譴者眾

伏望普加鴻造稍霽皇威歿者昭雪以雲雷存

者沾濡以雨露

揚雄長楊賦莫不沾濡

使五稼嘉熟

晉傳咸傳縱使五稼普收

僅足相接兆人樂康

屈原九歌君欣欣兮樂康

用臣將盡之苦言

史記商君傳苦

言藥也甘言疾也

慰臣永蟄之幽魄

關尹子明魂為神幽魄為鬼。箋案楚既召商隱屬

其助成遺表即秉筆自書曰云云此篇自以祖至幽魄全用其語

臣某云云臣當道兵

馬已差監軍使竇千乘勾當其節度留務差行軍司馬

趙祝觀察留務差節度判官杜勝訖

見為安平公狀

有舊規模

無新草易悉

集作必

當輯睦

左傳隨武子曰卒乘輯睦

決無諠驚

北史齊神

武諸子傳渙聞宮中謹驚曰大兄必遭難矣

臣心雖澄定

曹植七啓澄神定靈

氣已危

促辭多逾切鳴急更哀

見論語

升屋而三號豈來

禮記喪大記曰

復者朝服皆升自東榮中屋履危北面三號卷衣投于前

赴壑而一去無返

山海經海曰大

壑古樂府辭百川東
到海何時復西歸

忠誠直道竟埋没于外藩腐骨枯

骸晉劉琨傳琨
收葬枯骸

空歸全于故國

禮記樂正子春曰父母
全而生之子全而歸之

迴望昭代無任攀戀永訣之至謹奉表代辭以聞臣某

誠號

某作
哀

誠咽頓首頓首

代安平公遺表

箋舊書文宗紀太和八年五月丙
申充海觀察使崔戎卒詳見謝除

表

臣某言臣聞風葉露華榮落之姿何定夏朝冬日短長

之數難移臣幸屬昌期謬登貴位

某作仕左傳有大功
而無貴仕其人能靖

者與有幾行年五十五歷官二十三念犬馬之常期死亦非

夭奈君親之厚施生以無酬是以時及含珠

莊子儒以詩禮發冢

小儒曰詩固有之生不布施死何含珠為

命餘屬續

見代漢陽公表

心猶向闕手尚

封章撫躬而氣息奄然

後漢梁節王暢傳誠無氣以息

戀主而方寸亂

矣

蜀志徐庶母為操所獲庶辭備指其心曰方寸亂矣

臣某中謝

臣少而羈紲

魏志

孫盛曰豈名器之所羈紲

長乃遭逢常將直道而行實以明經入仕

王畿作吏非州府之職徒勞

後漢梁竦傳嘗太息曰間居可以養志詩書足以自

娛州郡之職徒勞人耳

侯國從知媿軍旅之事未學

見論語

憲宗皇

帝謂臣剛決

隋劉方傳性剛決有膽氣

擢以憲司穆宗皇帝謂臣才

能

漢書淳于長以材能為九卿

登之郎選

漢王莽傳公孫戎位在充郎選

忝霜威而

無所摧拉歷星紀而有紊次躔旋屬皇帝陛下大明御

宇至道承乾澄汰之初臣不居有過超擢之際

漢金日磾傳

即劾奏欽曰欽幸得以通經術超擢

臣獨出常倫高選掖垣箴規未效入

居瑣闥論駁無聞自去年秋來典河關兼臨甸服惟當

靜而阜俗清以繩姦

晉劉毅傳疏曰官政無繩姦之防

麤致豐穰

後漢鮑昱

傳唯南陽豐穰

幸逃逋責

任昉表四海之議子何逃責

豈意陛下謂臣奄有

三縣未稱其能謂臣出以一麾未足為貴爰降綸綍

禮記

王言如絲其出如綸
王言如綸其出如綍

移之藩方錫以海隅與之岳鎮將

吾君之驍果萬計

晉謝玄傳何謙戴
遂並驍果多權畧

使得總齊

韋孟諷
諫詩總

齊羣邦以
翼大商

聯吾君之牧伯三人

書外有州
牧侯伯

以居巡屬時

雖相美臣實深憂既屬聖恩果遭鬼瞰

揚雄解嘲高明
之家鬼瞰其室

況臣素無微恙未及大年

莊子小年
不及大年

方思高掛饋魚

後漢

書羊續為南陽太守府丞侯儉貢鯉續受而懸之一
歲儉復致一枚續乃出所懸枯魚示之以杜其意

不

然官燭

謝承後漢書巴祇為揚州刺
史與客坐閣中不然官燭

成陛下比屋可封

之化

後漢揚終傳堯舜之民可比屋而封

分陛下夫不獲之憂

書一夫不獲則

日時予

志願未伸大期俄迫

南史王彧傳詔曰若乃吉凶大則正應委之理運

忽自某

一作今月十日

夜暴染霍亂并兩脅氣注當時檢驗方

書

漢張蒼傳主柱下方書

煎和藥物

左傳盡心力以事君舍藥物可也

百計療理

一無痊除至于某日

一作十一辰時

轉加困劇漸不支持想

彼孤魂

漢貢禹傳骸骨棄捐孤魂不歸

已游岱岳

劉楨詩常恐游岱宗不復見故人張華博

物志泰山天帝孫也主召人魂

念茲二豎徒訪秦醫

左傳晉侯疾秦伯使醫緩視之未至

夢疾為二豎子日居育之上膏之下若我何醫至曰疾不可為也在育之上膏之下攻之不可達之不及藥不

至焉不對印執符

漢韓信傳漢王即其卧奪其印符

碎心殞首

李密陳情表臣

生當

人之到此命也如何戀深而乏力以言泣盡而無

血可繼臣某誠哀誠戀頓首頓首臣當道三軍將士準

前使李文悅例差監軍使元順通勾當訖臣與順通近

同王事備見公才

晉虞駿傳孔愉有公才而無公望

假之統臨必能和

協

左傳鄭伯曰寡人有弟不能和協

其團練觀察兩使事差都團練巡

官盧涇勾當訖臣亦授之方畧示以規模伏惟聖明不

致憂軫臣精神危促言詞失

英華作爽

錯行當窮塵埋骨

鮑昭

燕城賦莫不埋魂
幽石委骨窮塵

枯木容身

鄒陽書枯木朽株南史姚察傳遺命薄葬以松板薄

棺纔可螻蟻卜鄰

莊子在下為螻蟻食陸機輓歌詩豐肌饗螻蟻妍姿永夷泯左傳諺曰非

宅是卜惟

烏鳶食祭

爾雅鳶烏醜其飛也翔史記田單傳乃令城中人食必祭其先祖於

鄰是卜

庭中飛鳥悉翔

黃河兩曲

謂西河南河

長安幾千

梁元帝賦平原如此

不知道生入舊關望絕班超之請

後漢班超傳超久在絕域年老思歸乃上

疏曰臣不敢望到酒泉

力封遺奏痛深來歎之辭

後漢來歎

傳自書表曰臣夜人定後為何人所賊中臣要害投筆抽刃而絕

迴望昭代不勝荒悞

眷戀之至謹差某奉表代辭以聞

為王侍御瓘謝宣弔并賻贈表

箋舊書會昌三年河陽節度使王茂

元會討劉稹以本軍屯天井賊未平而卒瓘其子也

草土臣瓘言

晉禮志詔曰每感念幽冥而不得終直經于草土

今月某日某官

呂述某官任疇等至奉將聖旨以臣父某官某亡歿賜

弔臣等并賻贈臣亡父布帛三百疋米粟三一作二百石

者大夜銜輝

庾信碑爰在盛年先從大夜

窮泉漏澤

潘岳哀永逝文襲窮泉兮朽壤

以隕以越

左傳齊侯對曰恐隕越于下以貽天子羞

終哀且榮

劉勰文心雕龍誄之為制

蓋選言錄行傳體而頌文榮始而哀終

臣某

中謝

臣先臣某託體元侯

元侯

謂棲曜後漢盧芳傳疏曰臣芳過託先帝遺體○箋棲曜貞元初拜左龍武大將軍出為廊坊節度使卒贈尚

書僕射策名任子左傳策名委質貳乃辟也漢王吉傳吉言今使俗吏得任子弟率多驕驚不通

古今宜明選求象賢傳劍並見餘力攻書歷七朝而在賢除任子之令

公七朝謂德順憲穆敬文武也詩風夜在公秉二道而非墜見論語謂初以詞場就貢後以

將材相許也氛興赤狄兵聚晉城先臣受敵一作臨戎後漢耿秉

傳秉厲聲曰受降忘家狗衆史記司馬穰苴傳將受命之日則忘其家士卒

均食漢李廣傳廣歷七郡太守前後四十餘年得賞賜輒分其戲下飲食與士卒共之罔愧于

前修離騷蹇吾法乎前修廊廡散金漢竇嬰傳嬰為大將軍所賜金陳廊廡下軍士過輒令財

取為

遠齊乎舊說上憑王略

左傳侵敗王略

下振軍威

隋庾質傳慮損

軍威旬月之間慶捷相繼並親桴三鼓

見為榮陽公表

躬運九章

管子一曰舉日章則晝行二曰舉月章則夜行三曰舉

龍章則水行四曰舉虎章則行林五曰舉鳥章則行陂

六曰舉蛇章則行澤七曰舉鵠章則行陸八

曰舉狼章則行山九曰舉韓章則載食而駕

如臣弟兄

皆冒矢石

左傳荀偃士句帥卒攻偏陽親受矢石滅之

豈意竒功垂立大願

莫從傳食失時

漢韓信傳令其裨將傳餐曰今日破趙會食注如淳曰小飯曰餐師古曰餐古

食字音

略血成疾

見遺表

奄至凋落

晉謝玄傳凋落相繼

長違盛明

千安反

此皆由臣等抱釁既深

曹植表臣自抱釁歸藩刻肌刻骨

就養無素

禮記

左右就養無方

遂延家難

詩未堪家多難

仰惻宸襟止

一作尚

偷生于晷

刻晷謂日景刻謂漏刻

亦何顏于天地伏惟皇帝陛下悼深撫几

晉書司隸劉毅卒武帝撫几驚曰夫吾名臣不得生作三公

悲軫聞鞞

禮記聽鼓鞞之聲則思將

帥之臣

降惻于上公

書微子之命庸建爾于上公左傳蔡墨曰五行之官實列受氏姓封

為上公

厚賻禮于遺體

公羊傳車馬曰賻貨財曰賻衣被曰祔禮記身者父母之遺體可不

敬乎昔魏優死事止分食邑之餘

魏太祖紀建安七年令曰舉義兵已來將士絕

無後者求其親戚以後之授土田官給耕牛置學師以教之為存者立廟使祀其先人

漢養孤兒

但有羽林之聚

漢百官公卿表武帝取從軍死事之子孫養羽林官教以五兵號羽林孤兒

方于今日惟媿推恩叫號失容

詩或不
知叫號

戴履無所

左傳
晉大

夫三拜稽首曰君
履后土而戴皇天

軍前結草必自于幽靈

左傳魏武子
有嬖妾武子

疾命顙曰必嫁是及卒顙嫁之及輔氏之役顙見老人
結草以亢杜回回躓而顙故獲之夜夢之曰余而所嫁

婦人之父也爾用先
人之治命余是以報

石上澆松敢忘于遺訓

北堂書鈔
烈士傳曰

干將為晉君作劍三年而成劍有雌雄天下名器也以
雌劍獻君留其雄者謂妻曰吾藏劍在南山之陰北山
之陽松生石上劍在其中君若覺殺吾爾生男以告之
及君覺殺干將妻後生男名赤鼻具以告之赤鼻斫南
山之松
得劍

無任感恩荒殞之至

為令狐博士緒補闕綯謝宣祭表

箋舊書開成二
年十一月山南

西道節度使令狐楚卒
于鎮緒綯皆其子也

草土臣某言今月某日中使某至奉宣恩旨致祭臣亡

父贈司空臣某者存沒願終榮哀禮備荒迷觸地

呂氏春秋

黎丘大人之子泣而觸地

號叫瞻天臣某

中謝

臣先臣某生遇昌期

早司國柄

說苑楚令尹子文曰執一國之柄

沒留懿德上惻宸襟特降

王人

春秋莊公六年王人子突救衛注王人之微官也

迂臨私第

南史齊宗室傳私第展哀

陳其醖爵

禮記明堂位曰爵夏后氏以琖殷以斚周以爵說文醖爵也一曰酒濁而微清也案醖與

琖別說文混而為一後人遂承其誤

潔之豆登

詩叩盛于豆于豆于登傳木曰豆瓦曰登

招遺

魄于幽陰旋歸莫睹視殘生于晷刻報效無期臣等無
任戴恩荒殞之至謹附中使某奉表陳謝以聞

李義山文集卷二

謹案第一頁後一行遣吏獻捷按新書藩鎮傳捷
作狀


第六頁前四行競三古之殊尤按文苑英華尤作
猷

第十一頁前六行將以休有萬靈按文苑英華靈
作齡

第十四頁後二行蒼昊降符按文苑英華昊作
旻

第十五頁後一行解澤滂沱按文苑英華解作允
第三十頁後八行卜宅刊本訛宅卜據書經改





總校官庶吉士臣張能照

校對官庶吉士臣陳文樞

謄錄監生臣周燮